

雪詰禪師語錄

五
卷



C40
4514
(231)



170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8

B 40-4514

了翁上座續本藏及百
家言題之武林茶葉山
城徵文珍院丘府中水
務學子者不敢許出院內
當由子此錄半機謹誌



B 64853

翠巖古雪禪師語錄序

昔保寧勇禪師出楊歧之門道聲不減雪竇至於提唱之語尤爲精峭嘗曰風鳴條雨破塊曉來枕上鶯聲碎蝦蟆蚯蚓一時鳴妙德空生都不會都不會三箇成羣四箇作隊向前邨後邨折得梨華李華一佩兩佩可謂抖擻屎腸爲人說禪而南堂欲公尙道不黍不陽艷競栽桃李春翻令力耕者半作賣華人則說法之難也審矣雖然諸佛威儀進止諸所施爲無非佛事故其示人也或有以光明相好佛身焉或有以飯食臥具衣服焉或有以園林臺觀虛空焉或有

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9


一擇流

以菩薩化人菩提樹清淨土焉或有以寂寞無言無說無示無識無作無爲焉豈僅曰語言文字乎哉獨此方真教體清淨在音聞故雖德山臨濟棒喝交馳終亦不廢語言二昧然求其縱橫辯肆樂說無礙一以理勝不詭俗不淫陋言見諦句句超宗非揚晉有正法眼藏點胸有涅槃妙心而能若是乎吾老矣何幸尤及見翠巖喆公禪師其人者公炙先師實當天童旺化之日一時鳳毛麟角爭相騰踢軒昂太白之門唯公季齒最少志願獨堅鑿索斧授畫鞭夜策及及皇皇不間暑寒者十季始告然大徹先師室中

辭乃始一咲而出登座之後朝暮提唱縱橫妙密吾江右數百季所未有也今奉其高足上人出師語錄相示俾弁簡端予惟天童得師而續臨濟何異風穴之首山念遍大地求之而不可得者今乃猝然相遇足稱希有盛事答真點胸說法翠巖黃魯直爲序其語錄擬之行川之水走盤之珠政謂其無死句於中耳吾無以擬師卽擬以翠巖之石鐘石鼓無邊聲響有時消歇石鐘石鼓之聲響無時而消歇也是同是異請問之真點胸余何敢妄揣

弟子陳弘緒敬撰

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8



翠巖古雪禪師語錄序

佛法須人而傳甚於吾儒儒所傳者可以求之於六
經語孟諸書不幸而不遇其人其所傳者固未嘗亾
也釋氏自達磨大士東來直指見性成佛一切修多
羅藏俱屬贅疣何語言文字之可恃然苟得其人則
雖拈椎暨拂揚睂瞬目無處不遇何況語言文字何
況修多羅藏是故其所傳者實無可傳命之曰別傳
傳無可傳遍大地求之而卒不可得古尊宿旣已究
明此事視七尺幻軀與夫十方世界無不可滌唾棄
捨獨惓切於嗣法之無人夾山致歎於石頭風穴生

170 1 2 3 4 5 6 7 8 9 180 1 2 3 4 5 6 7 8 9 160 1 2 3 4 5 6 7 8

掛述

悲於識語其皇皇汲汲反甚凡夫似續之情豈不以其人之難復哉臨濟一派自妙喜中峯後已屬晨星至隆萬間幾成絕響僅天童密和尚噓枯吹燼隱顯明州瞿曇慧命不絕如綫吁可慨也古雪禪師夙秉智炬照徹人天蚤歲讀天童老人錄喟然曰是其末法之梯航乎遂策杖囊鉢而往叩之入門卽被痛棒已復鉗錘數番師遂豁爾開悟舉無量劫來生死根本一時擲向大洋辛巳秋來吾江右誅茅白法院虎豹與偕猿狹與處師絕不以置懷適香城諸刹恢復翠巒僉議主叢林者非師不可師遜讓再四卒弗獲

箋尺極嚴許可尤審宵諾之聲未嘗爲耆季假也直以侍者參得禪爲公助喜則其屬望於公也可知已乃公方銳意住山徑爾別去遯迹亮公舊隱耕雲種月一饑十霜由是洪州道俗相率捐貲贖古翠巒挽公出世爲中興第一代祖道遂顯著於時卓哉公也幻有師翁不云乎除卻釋迦老子福慧兩足有幾人焉但於本領有實證則龍天必不相負况公律身之嚴求道之切奉師之恭謹事衆之勤渠固空龍天推出無足爲公怪者獨其問答提綱星馳電卷發揮玄蹟光闌大猷駿駿乎山谷所謂青山白雲開遮自枉

1170 1 2 3 4 5 6 7 8 9 180 1 2 3 4 5 6 7 8 9 160 1 2 3 4 5 6 7 8

碧潭明月撈漉方知鐵石崩壓霜弓劈箭不受然鎔
記別自提三印正宗假令古佛出頭也下一椎定當
乃足多耳惜乎先師未之見焉敬爲序次質諸當世

明眼作家

住東齊青州之大覺寺同門道忞撰



古雪喆禪師語錄目錄

序二

開堂疏二

卷一

上堂小參晚參一

卷二

上堂小參晚參二

卷三

上堂小參晚參三

卷四

1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8

撰述

上堂小參晚參四

卷五

上堂小參晚參五

卷六

上堂小參晚參六

卷七

上堂小參晚參七

卷八

上堂小參晚參八

卷九

上堂小參晚參九

卷十

普說一

卷十一

普說二

卷十二

行實

問答機緣

入室機緣

卷十三

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

攝述

頌古

卷十四

法語

贊

卷十五

書

卷十六

啓

卷十七

偈一

卷十八

偈二

卷十九

偈三

卷二十

佛事

雜著

古雪詰禪師語錄目錄終

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

熊少宰請疏

伏以末法將興共禮玉毫之妙相名山復振羣宣金
石之微言有待而隆無誠不暴恭惟古雪大和尚風
姿高邁道性澄泓受天童之法乳雨露三乘揚少室
之宗門雷霆曠代固已包含衆善擊汰羣蒙一千龍
象隨高步豈曰非時萬里香華結勝因寧唯異地維
此翠巖夙稱巨刹遡洪井之淵源玄徽灝森澤神阿
於湧漶寶氣輝煌所以精藍代起於雲煙因而往哲
畱題於翰簡夫何後嗣失守致滋祖道麥夷鞠茂艸
於珠宮聚農氓於紺殿茫茫桑海落落晨星然而靈

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

奇示幻慧上人見夢裏之浮屠縹渺呈因諸童子識
雪中之寶字以故合緇流而發願捐衣鉢以爲貲贖
自符宗歸同趙璧艸木歲徂盡洗干戈之色川原煥
發一新鐘鼓之音應真飛錫以來遊雲水聞鈴而畢
集不有宗工領袖誰爲後學津梁用瀝凡情祈垂愍
度伏望我師表大覺爲靈根將與衆生共存耶眞空
而不壞豈唯聖者獨知刊垂九帶咸標指月之輪辯
示兩兒若誘聚沙之塔庶幾薈蕪香分纔經手而竝
馥醍醐味爽乍灌頂以皆醒誰云道岸先登竚見寰
區普燿無羣勝會永贊昌期弟子熊文舉謹疏

陳司理請疏

伏以拍洪樓畔重續鷺嶺之輝迎笑堂前又聽鯨鐘
之響人天共快瞻注同心恭惟古雪大和尚百世津
梁五宗華岱閒揮妙偈一天華雨覆栴檀靜吐慈音
萬壑松風搖几席鍾武夷之靈秀寶筏渡盡迷津膺
天童之正傳慧日高懸沙界玉毫瑞相飛來洪井丹
爐金口微言錯落香城丈室惟貞公芝老之禪堦是
西山南浦之名區雷護楠叢雷伴筍蔬清供霧藏茶
縷烹殘沙石幽泉嘆鳩盈馴鵠堂邊幾歲珠龕版蕩
遂艸長散華筵內頻季寶地座靈諸名德共淡廓清

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9 200

之思彼闡提猶恣猙獰之勢雲端錫振野犴弭耳以奔騰座上香浮耆臘誼呼而手額茲值來復之候適逢結制之辰擊法鼓以震大千灑甘露而蘇吹萬祇園再闢同隨正覺銖衣化域方新共仰清規囊鉢念居諸之過隙須摧鐵壁銀山慨逝者之如斯專恃朝提莫鳴弘緒久淪塵濁悔歲月之全虛遙禮犍毬識身心之有託曾迅海昏法駕忻依嶺際慈容選佛場開啟浪擬龐公之酬對安禪影靜庶長聞臨濟之宗風聊布悃誠冀垂鑒照弟子陳弘緒謹疏

古雪詰禪師語錄卷一

萬安龍德院嗣法門人傳我等編
住洪都翠巖寺語錄

山門俗氣都銷盡斯門頓豁開一回親得入萬古絕塵埃

佛殿巍巍堂堂輝煌煌覩聞莫及聲色全彰旣是聲色全彰因甚覩聞莫及海底金烏天上日
據室此是從上諸祖爲湖海衲子抽釘楔解黏縛底去處詰上座到者裏如何施設七尺烏藤爲君決訏護法宰官居士及諸山耆舊等請開堂

190 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8

標題

拈疏百千法門無量妙義盡被諸大護法向毛錐子上漏逗了也諸人還委悉麼其或未然卻請維那宣

讀法座高而無上仰不可及要識須彌燈王步步同行同陟遂陞

拈香此一瓣香尊貴中尊貴奇特中奇特爇向爐中專爲祝延

今上皇帝聖躬萬歲萬歲萬歲伏願道高堯舜德邁羲軒兵革頓銷還同揖讓之世漁樵樂業時聞擊壤之歌

次拈云此一瓣香本自現成豈從人得八載執侍巾
錦一旦親蒙密印幾度狂風吹八面不曾移易一絲毫今對人天眾前信手拈出爇向爐中專伸供養

明州天童堂上傳曹谿正脈第三十四世上密下雲先和尚用酬法乳之恩斂衣就座維那白椎云法筵龍象眾當觀第一義師隨聲便喝云還觀得麼恁麼觀得方爲正觀若他觀者名爲邪觀久參宿學未舉先知匹馬單刀便請相見僧問祖庭復振海眾雲臻拈椎暨拂卽不問重續翠巖舊機緣一句作麼生舉揚師云石鐘石磬一齊鳴進云恁麼則雲卷千峯碧

170 1 2 3 4 5 6 7 8 9 180 1 2 3 4 5 6 7 8 9 160 1 2 3 4 5 6 7 8 9

谿流萬派新師云且得闍黎共證明問翠巖久據紅塵客師今重整舊家風如何是破沙盆底意旨師云七華八裂進云恁麼則燈燈續談聯芳久祖祖宣揚舌廣長師云未到闍黎在進云古人道此事如秋潭月影靜夜鐘聲猶是生死岸頭事超生脫死一句作麼生道師云紅爐談裏浪滔天進云恁麼則研卻月中桂清光何處無師云且莫詐明頭僧禮拜師乃云祖庭旣復四海同歡祖令當行千差坐斷直得如天普蓋如地普擎如風普吹如日普照無一絲毫滲漏無一絲毫囊藏無一絲毫塵埃無一絲毫間斷淨羸

羸露堂堂清寥寥白的的僧也如是俗也如是凡也如是聖也如是到者裏一道平等浩然大均人人懷滄海之珠箇箇抱荆山之璧谿光野色共演真常月渚風柯時譚般若石鐘石磬恆鳴劫外之音山鉢山松獨聳雲中之秀塵塵爾刹刹爾念念爾法法爾無一法不是真乘無一念而非佛事無一刹不是佛刹無一座不是祖師所以道一入信門便登祖位翠巖如此告報已是撒沙向諸人眼裏了也若是霑利衲僧一撥便轉又何待起模画樣画地爲牢長期短期中期下期蛇足重添執燈尋火哉然雖如是不是一

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8

番寒徹骨爭得梅華撲鼻香不錄復舉波斯匿王白
佛勝義諦中還有世俗諦不若言其有智不應二若
言其無智不應一一二之義其義云何世尊云大王
答於龍光佛所會問此義我今無說汝亦無聞無說
無聞是名一義二義今日或有問翠巖一二之義但
向他道落霞孤鶩齊飛秋水長天一色復有一偈舉
似大眾雞犬喧喧穢法筵絳流聞見每悽然今朝喜
對爐煙靄願祝堯仁億萬季維那白椎云諦觀法王
法法王法如是下座

當晚小參清淨圓明古道場松杉環繞尙蒼蒼全提

祖印光寰宇須是吾宗逸格郎還有逸格超羣者麼
出來互相酬唱僧問朱紫誰爲號丘山絕點埃既是
丘山爲甚絕點埃師云腦後看取僧禮拜師乃云現
成公案不勞擬議尋思覲體無私祇貴全身擔荷若
也擔荷得的當便可全提祖印獨步大方隨處作主
遇緣卽宗法隨法行法幢隨處建立有時孤峯頂上
墾土耕煙有時十字街頭挖泥帶水卷舒出沒任運
縱橫總在古道場中不會斯須相離任是三世諸佛
出頭來也侵他一毫不得任是一切異類衆生羣居
雜處也污他一毫不得所以道彌滿清淨中不容他

1170 1 2 3 4 5 6 7 8 9 180 1 2 3 4 5 6 7 8 9 150 1 2 3 4 5 6 7 8 9

如是則生滅去來不異鏡中之像聖凡迷悟還同水
上之漚諸公還識當人本有底古道場麼豎拂子云
向者裏薦取若也未薦直須通身白汗恢復一番始
得所以道雖然舊閣閒田地一度贏來方始休譬
如翠巖古刹湮沒百有餘載雞羊犬豕蹂躪其間不是
諸山耆舊諸大護法戮力重興安得鼓鐘再振受用
現成諸公要識狀者舊等苦心麼也只爲成就後昆
於此古道場中恢復自己本有道場祇如本有道場
又且如何恢復一吸吸盡西江水一踢踢倒須彌盧
拈得翠巖無柄杓卻是曹谿古鉢孟箇翠巖可貞禪

師嘗參慈明自負天下無可意者一日與金鑾善侍
者山行議論鋒發舍拈一片瓦礫置磐石上曰若向
者裏下得一轉語許你親見慈明真左右視擬對之
舍叱曰竚思停機情識未透何會夢見真自愧悚卽
還石霜慈明見來叱曰本色行腳人必知時節有甚
急事夏未了至此真泣曰被舍兄毒心終礙塞人故
來見明遞問如何是佛法大意真曰無雲生嶺上有
月落波心明瞋目喝曰頭白齒豁猶作者箇見解如
何脫離生死真悚然求指示明曰汝問我眞理前語
問之明震聲曰無雲生嶺上有月落波心真言下大

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9 200 1 2 3 4 5 6 7 8 9

悟師云慈明用頂上鉗錘敲出鳳凰五色髓真老於
言下吐氣擣碎驪龍明珠雖則師資妙叶啐啄同
時檢點將來未免喫翠巖手中痛棒何故無雲生嶺
上有月落波心

淵監寺請上堂僧問鉤頭毒餌吞吐誠難直饒總不
恁麼早已喪身失命如何得自由去師云獨腳蜘蛛
夜渡江進云庭前柏子青艸布衫麻三斤乾屎橛卽
不問如何是翠巖斬新條令師云腳跟下痛與三十
棒進云恁麼則洪崖一滴水散作九垓霖師云一言
已出問名藍復振爐鞴弘開如何是煅煉凡聖底句

師云石火逆青天乃云淵默雷聲戶居龍見鉢盂裏
走馬虛空中放箭一箭射著無位真人倒騎牛兮入
佛殿且道那箇是無位真人聽取一偈輔得慈明三
十季綿綿正脈至今傳撥開向上機關子洪井淡淡
浪拍天

玉知客請上堂僧問今季已前卽不問三十日到來
事若何師云通天徹地進云畢竟死歸何處師云鐵
蛇橫古路進云如何是衲僧本分事師云切忌斬頭
覓活乃云大道廓然了無向背靈機卓爾迥絕根塵
一切處現成亘古今常露不與萬法爲侶不與千聖

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

同塵不逐四時推移不共羣芳凋謝所以道十世古
今始終不離於當念微塵刹海自他不隔於毫端諸
兄弟也須實參實寃實悟實證到恁麼田地始得不
是說了便休底事只如今隔牆隔壁隔谿隔山青黃
赤白李四張三便分析不出作麼生是不隔底道理
過現未來寒暑迭更纔逢八月中秋又是臘月三十
念念不停新新不住作麼生是不離當念底意旨向
者裏著得隻眼覬捕得透便可統刹海於毫端擲大
千於方外促一劫爲一日延一日爲一劫如是則二
六時中折旋俯仰運水搬柴迎賓待客作揖打躬全

彰本地風光一一騎聲蓋色然雖如是更須知有末
後一句方能去住自由殺活自在所以道末後一句
始到牢關把斷要津不通凡聖卽今季窮歲盡節換
時移作麼生是末後一句還委悉麼來季更有新條
枉惱亂春風卒未休復舉盤山禪師道可中學道似
地擎山不知山之孤峻如石含玉不知玉之無瑕若
能如是是真出家大慧云若能如是捏目生華大眾
要見盤山則易要見大慧則難翠巖不惜眉毛爲諸
人下箇註腳太平本是將軍致不許將軍見太平
歲旦悟園頭請上堂新季頭新號令覩面提持高低

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8

皆應直得黧奴白牯俱放寶光露柱燈籠同時納慶
當恁麼時如意子鞠躬向前問訊云恭喜賀喜和尚
新季千如意萬如意腳下兒孫徧大地山僧道你是
第幾箇如意云我是第一箇拄杖子出來道老兄低
聲你恁麼駁駁斑斑曲曲彎彎要作翠巖兒孫也未
得在山僧道木上座何得壓良爲賤殊不知曲中有
直直中曲六六原來三十六大眾要識曲中直麼以
手拍左膝云向者裏薦取縱饒如是薦得好朝打三千暮
膝云向者裏薦取縱饒如是薦得好朝打三千暮
打入百豈不見米胡遣僧問仰山云今時人還假悟

也無山云悟卽不無爭奈落第二頭何僧歸舉似米
胡胡淡肯之大眾悟既落二且作麼是第一頭良久
云披蓑側立千峯外引水澆蔬洪井邊

上元解制熊少宰請上堂聖制旣滿台旆光臨不落
言詮便請相見僧問一棒全提古今不異請問和尚
如何是不異底境界師云徹骨徹髓進云衲僧到此
還有行腳分也無師云截斷腳跟進云若遇銅頭鐵
額漢來和尚又作麼生與他相見師云正好與他三
十棒進云也須另著眼始得師云依稀似曲纔堪聽
又被風吹別調中乃云大事未明謂之結活捉虛空

970 1 2 3 4 5 6 7 8 9 180 1 2 3 4 5 6 7 8 9 150 1 2 3 4 5 6 7 8 9

敲出血大事已明謂之解蟻螟吞卻東洋海解非解
結非結倒跨楊歧三腳驢等閒挨落天邊月大眾還
會麼會得也是眼裏一粒黃金屑會不得他時撞著
黑面老兒打算飯錢莫怪翠巖預先不爲諸人說復
舉提刑郭功甫過訪白雲端禪師雲爲上堂夜來枕
上作得箇山頌謝功甫大儒直要與天下有鼻
白雲之勤此頌非惟謝功甫大儒直要與天下有鼻
孔衲僧脫卻鵠臭布衫乃云上大人丘乙己化三千
七十士爾小生八九子佳作仁可知禮也功甫因此
有省雲印以偈曰藏身不用縮頭斂迹何須收腳金

烏夜半遼天玉兔趕他不著大眾白雲遠祖善舞太
阿不犯鋒鎚正所謂殺人須是殺人刀活人須是活
人劍今日乃天上月圓之際堂中解制之辰伏承少
宰特特入山設供命山僧舉揚般若山僧昨夜倦來
卽眠枕上不會作得山頌現前諸公亦無鵠臭布衫
可脫無布衫可脫是真獨脫無頌子可謝是真報謝
豈不見仲尼一見溫伯雪了無文字并言說然雖如
是道火何曾燒著舌雖慚戛玉鏗金且圖應時應節
乃云韻歌社舞闌翻天是處青燈徹夜懸但得胸中
羣惑盡不須更問祖師禪

1 2 3 4 5 6 7 8 9 10 11 12 13 14 15 16 17 18 19 20

撰述

聖經

九

上堂佛祖頂顙一機佛祖罔測天人腳下一著天人
莫知沒蹤迹處萬象縱然正見聞時纖塵不立所以
道聖名凡號總是虛聲殊相劣形皆爲幻色若是大
丈夫漢有殺人不眨眼底作畧直下承當便可橫揮
寶劍獨據寰中截斷葛藤掀翻窠臼二六時中壁立
萬仞見佛見祖如生冤家偶然道箇佛字漱口三日
特地說箇受戒掩耳而趨到者裏聖解尙不生況復
更隨世間喜怒哀樂殺盜淫妄貪瞋癡等習氣所轉
所以道幾回生幾回死生死悠悠無定止自從頓悟
了無生於諸榮辱何憂喜且道如何是無生底句寶

山一寶親披露徧界騰輝不染塵復舉白樂天侍郎
參鳥窠禪師請問如何是佛法大意窠云諸惡莫作
眾善奉行白云三歲孩兒也解恁麼道窠云三歲孩
兒雖道得八十翁翁行不得白禮拜大眾古人與麼
答話大似看銅鑄著生鐵翠巖卽不然忽有問如何
是佛法大意攔腮便摑伊若道三歲孩兒也解恁麼
行但向他道莫將支遁雀喚作右軍鷺

浴佛上堂毘藍園裏九龍吐雨沐金軀洪井洞邊一
盆惡水當頭潑潑卽不無且道釋迦老子卽今狂甚
麼處豎拂子云大眾還見麼若向者裏見得則箇箇

獨尊不勞外覓本來清淨淨亦不居行棒也打他不著行喝也喝他不得苟或未然縱饒日日澆香水洗到驢季也不清

開爐陞座僧問世尊拈華迦葉微笑還是結制時節解制時節師云旭日銜青嶂晴雲洗綠潭進云恁麼則翠巖靈鷲不隔纖毫師云閣黎甚處得者消息僧便喝師噓一聲問從上宗乘請師提唱師云百尺竿頭輶繡毬乃云翠巖啓大爐鞠柴炭渾無半塊一雙赤手空拳燬盡凡情聖解且道燬盡後如何火裏蠅蟬吞卻蜘蛛復舉天童和尚上堂云禹門院裏結制

須與諸人一議不用諸人參禪不用諸人會理單單不許瞌睡若也瞌睡一棒打出骨髓天童先師雖是爲眾竭力不免犯手傷鋒既是不用參禪又不用會理正好臥藤蘿下塊石枕頭因甚不許瞌睡翠巖即不然而今若有善睡底山僧卻令侍者汲洪源水烹武夷茶請他何故彼自無瘡勿傷之也

冬至小參一剝一復物極則變魯史書雲漢宮添綫直得釋迦峯畔石筍抽條洪井谿頭寒冰發燄且道無陰陽地上還有剝復也無趙州東壁挂葫蘆復舉七賢女同遊屍陀林一女云屍枉者裏人在甚麼處

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8

一女云作麼作麼諸姊諦觀各各契悟遂感帝釋雨
華云諸姊有何所需我悉當供給姊云我家七珍八
寶無不具足但要三般物一要無根樹子一株二要
無陰陽地一片三要叫不響山谷一所帝釋云若要
者三般卻沒有姊云旣無此物將何濟人帝釋因往
問世尊佛云我弟子中諸阿羅漢皆不會此義唯諸
大菩薩乃能知之師云者七箇臭老婆纔向死骷體
上喚得些氣息便向帝釋面前賣弄當時賴遇帝釋
放過翠巖若見他索者三般物便與攔胸一蹋倒
教伊至今起不得雖然只如一姊云作麼作麼諸姊
子剔起雙眉正好參

晚參翠巖重興後有則奇特因緣舉似大眾此去十
里許居民王氏家有銅範初生像一尊不知降自何
季一夕託夢其妻室云我於此住得不安願歸翠巖
王氏夫婦素不知敬信三寶初猶忽之旣而託夢者
再乃驚異之適典客霞公過其門王氏具述此像所

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

以欲離之意霞乃忻然請歸供養大眾金人入夢教
法始布支那太子還山宗風必當不顯然此奇特因
緣正要奇特人證據若作奇特話會未免蹉過釋迦
老子敢問大眾教中道佛身充滿於法界普現一切
羣生前因甚釋迦老子不住俗家願歸僧寺
因祖塔涌出寺西北隅晚參釋迦說法多寶佛塔證
明古刹重興祖師靈塔出現鐵鐘宛爾玉骨如新且
道是那箇祖師底靈塔豎拂云還見麼自古上賢猶
不識造次凡流豈可名

晚參舉天童山翁和尙一晚入堂大叫云適來欄中

不見了牛昔請大眾把火上山尋牛去一僧纔出翁
便低頭歸方丈師云天童欄裏牛雖不見要且頭角
全彰翠巖一頭水牯牛常在欄中祇是無蹤迹可尋
敢問大眾既是常在欄中爲甚卻無蹤迹

晚參愁愁一夜悽惶半白頭喜喜忽然撞著自家底
歇歇瓮裏何曾走郤鼈休休佛是西天老比丘會得
者四轉語了切忘向翠巖門下過一棒打折驢腰莫
言不道大眾既是會得了爲甚要喫棒一僧云放過
郎不可師云未在僧無語良久復顧眾云者箇且置
畢竟如何是自家底眾無語師云若總道不得山僧

170 1 2 3 4 5 6 7 8 9 180 1 2 3 4 5 6 7 8 9 150 1 2 3 4 5 6 7 8 9 160 1 2 3 4 5 6 7 8 9

機述

爲諸人下箇註腳乃云時寒不煩久立

受淨羸羸江谷王海濱濱明明眾佛子爲僧小參父母未生淨羸羸父母既生淨羸羸淨羸羸兮絕承當獨露摩尼珠一顆摩尼光射斗牛寒爍破河山千萬朱回看火宅未醒人不啻披枷兼帶鎖枷鎖脫始超江尊貴天然百谷王會得明明祇者是信步濱濱海底行

靈宗禪人請上堂南泉斬貓歸宗斬蛇金牛喚飯趙州喫茶盡謂是宗門向上全提底時節仔細簡點將來俱未作家何故淨白地上不可撒沙復舉趙州因僧問萬法歸一一歸何處州云老僧在青州作領布衫重七斤山僧初看此話如蟲子敲鐵釘相似及至打破漆桶始知餽頭是麪做今日或有問翠巖萬法歸一一歸何處但向他道冬日朔風寒

成道日值中旭上人送到衲衣上堂豎拄杖云大眾看看釋迦老子來也說道奇哉昔觀一切眾生皆具如來智慧德相但因妄想執著而不證得遂喝一喝云黃面老漢將謂你覩星悟道有多少奇特猶作者箇說話喚甚麼作妄想阿那箇曾執著翠巖今日爲汝諸人打開籜籬翻轉釋迦老子舊案奇哉昔觀一

170 1 2 3 4 5 6 7 8 9 180 1 2 3 4 5 6 7 8 9 160 1 2 3 4 5 6 7 8 9

切眾生皆具如來智慧德相春至百華開黃鸝曉柳
上旁邊或有箇衲僧出來道長老與麼說法美則美
矣爭奈不及時節翠巖但向他道冬行春令復舉雲
門大師示眾云聞聲悟道見色明心觀世音菩薩將
錢買胡餅放下手郤是餽頭大眾齋堂裏餽頭一任
你橫吞豎敵作麼生是諸人明底心悟底道遂以柱
杖卓一下喝一喝復頌云尼連河側諦思惟觀察眾
生得度時六載後緣方始熟憐兒豈惜兩莖眉既不
惜眉毛出來畢竟成得甚麼邊事三事衲衣青嶂外
一爐沉水白雲中

安奉本山歷代祖位兼募復下僧田上堂諸祖法位
亘古不移諸祖化緣隨時更變其隱也如麞羊挂角
其顯也如曇華乍開其建立法幢也如千江月影其
普度羣迷也如洪爐雪片降伏鏡裏魔軍成就夢中
佛事翻穢邦爲淨土攬酥酪作醍醐無法處說法無
祖處作祖無名處彰名無相中示相隨方自在隨處
稱尊隨機現形隨緣導物緣盡則隱緣熟則現所以
道淨法界身本無出沒大悲願力示現受生大眾既
是本無出沒只如翠巖未興以前十八代祖師畢竟
枉甚麼處安立若知得落處則祖師與諸人眉毛所

1170 1 2 3 4 5 6 7 8 9 180 1 2 3 4 5 6 7 8 9 150 1 2 3 4 5 6 7 8 9

結同失同得同死同生同暗同明同照同用如是則
諸人便是活祖師祖師便是諸人諸人與祖師無二
無別既是無二無別又用特地設位安奉作麼不見
道慎終追遠民德歸厚矣復舉五祖演禪師投機偈
云山前一片閒田地叉手叮嚀問祖翁幾度賣來還
自買爲憐松竹引清風大眾還識五祖老人立地處
麼翠巖爲汝指出山前一片閒田地從來無變易叉
手叮嚀問祖翁猢猻入竹筍幾度賣來還自買桑田
何代成滄海爲憐松竹引清風此際全歸掌握中既
歸掌握畢竟如何受用下座與兩序大眾回到祖師

堂拈香上供

上堂僧問真不立妄本空因甚又道諸佛爲一大事
因緣出現於世師去壑風吹磬斲杉露滴華開進云
坐斲十方猶點額密移一步看飛龍如何是密移一
步師云下坡不走快便難逢僧禮拜師乃云今朝臘
月十五屋角梅華正吐長連牀上衲僧承當切忌莽
齒不莽齒焦尾大蟲原是虎喝一喝

除夕小參季窮歲盡貧富一般忙送舊迎新僧俗同
攀例是故數日以來若內若外若兄若弟漿洗底漿
洗補綴底補綴砍柴底砍柴踢碓底踢碓爛搗熟米

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8

果細捏穀華糖磨不停輪鍋不停沸蔬果雖不甚豐
齋供且喜俱備直至今朝獻佛前大家作禮同分歲
分歲了喫茶喫茶了瞌睡睡到五更睡正濃報鐘又
是從頭起大眾且道是世法耶是佛法耶若作佛法
商量貶向二鐵圍山若作世諦流布何異三家村裏
俗漢到者裏須是箇大休大歇大解脫漢直下打成
一片方能任運無拘也不見有佛法可欣也不見有
世法可厭也不見有生死逃悟也不見有季月日時
動靜一如古今一致物我一體根塵一源所以道有
情之本依智海以爲源含識之流總法身而爲體大

衆除卻揚眉瞬目折旋俯仰下喝頓腳豎指擎拳阿
那箇是法身委悉麼如未委悉流季莫虛擲華髮不
相饒

考工夫夜參立程途定期限大似虛空空窟寵較迷
悟考得失何殊嚼飯餽嬰兒豈不見高亭隔江見德
山招手便橫趨而去水潦被馬祖一踢蹋倒起來便
道百千法門無量妙義只向一毫頭上識得根源去
臨濟喫黃檗三頓痛棒便道元來佛法無多子你道
者三箇老古錐當時如何做工夫德山馬祖又如何
考較須知此事無汝用心處無汝湊泊處你纔上蒲

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

團掌睂努目惺惺地思量卜度時早已蹉過了也直饒你不思量不擬議未免坐枉黑山鬼窟裏古人不得已作死馬醫向第二義門與你和泥合水說道喚作竹籠則觸不喚作竹籠則背不得有語不得無語與麼稱提已是八字打開了也爭奈根性遲鈍不能領畧遂將此話蘊在八識田中時刻追究謂之看話頭做工夫宋時有箇大慧禪師常握竹籠鉗鉗學者一時宗風大振不減馬祖嗣後相襲成風皆以看話頭爲參禪凡學者一進門來師家亦不管青黃皂白便掇出一句死話頭與他參或云你看念佛底是誰或云一口氣不來畢竟向甚麼處去或云萬法歸一歸何處或云父母未生已前那箇是你本來面目學者亦不辨邪正纔禮拜起便云求和尚一箇話頭癡人五燈會元上好少哩因甚要千里萬里去求知識話頭殊不知領得一句話頭死鴉般地去念念到彌勒下生也不會悟道又不若念念阿彌陀佛還不虛度時光所以天童先和尚但有求話頭者劈頭便打云老僧祇會打頭沒有甚麼話頭山僧初炙爐鎚時猶信不及每自忖云佛法要妙當微細開示爲甚麼問著便打將以爲非耶和尚望重一時將以爲是

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8

耶焉得痛打便是佛法每日入室長跪合掌涕泣交流懼求開示和尚惟加痛棒山僧疑團愈切迷悶惶二六時中如聾若啞一日請益次又被痛打一頓乃云老和尚沒頭腦祇是打和尚云你作打會那山僧方釋然如夢忽覺始信者一棒提持郤勝三寸舌頭百千萬倍雖然今日若執一棒提持未免亦成死法山僧者裏有時棒喝交馳石火電光追不及有時平田淺艸和泥合水笑嘻嘻有時叫伊看話頭有時不叫伊看話頭因人而施初無實法所以道若將實法與人土也消不得今晚一七已滿毋論工夫得力不得力各依單次出班相見考畢師乃云參貴真參悟須實悟實悟得底出言吐氣自然如函蓋相稱箭鋒相拄諸兄弟皆是英靈倜儻漢子各各氣宇如王祇是工夫未到工夫若到見地若親莫說德山馬祖黃檗臨濟縱使黃面瞿曇到來且喚伊提艸鞞著何故不是從前多意氣他家會踢上頭關

古雪詰禪師語錄卷一

1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8

古雪詰禪師語錄卷二

嗣法門人傳我等編

住翠巖寺語錄

元旦上堂拈香祝聖畢乃云九上三登持燈覓火百
城徧歷入海算沙布毛吹落西子湖婆兒氣象腳尖
踢破飛鳶嶺三老生涯無著天親同阮無異土德山
臨濟餽飯祭閒神直得隔山見煙侵知是火隔牆見
角便知是牛不出家而頓徹心源不參方而頓明差
別不動步而經歷河沙刹海不晤對而勘盡天下宗
師總春夏秋冬爲一時會得枣榮枯同一致猶未是

170 1 2 3 4 5 6 7 8 9 180 1 2 3 4 5 6 7 8 9 150 1 2 3 4 5 6 7 8 9

衲僧分上事有時延一日爲一劫有時促一劫爲一日有時拈頭作尾有時拈尾作頭有時殺人不用刀有時活人不用劍有時全活卽殺有時全殺卽活有時全賓卽主有時全主卽賓有時把住黃頭碧眼飲氣吞聲有時放行白牯鷲奴放光動地外雖如是猶是建立邊事未出化門所以道若論戰也箇箇力在轉處卻物爲上逐物爲下又道此事如擊石火似閃電光搆得搆不得未免喪身失命且作麼生得箇出身底活路到者裏也須是恁麼人始得所以道承當恁麼事須是恁麼人若是恁麼人何愁恁麼事卽今

春光明媚春日熙和春色蒼茫春風浩蕩各各分上同添一歲且道無位真人年多少還委悉麼還鄉盡是兒孫事祖父從來不出門復舉浮山遠禪師因僧問如何是佛遠云大者如兄小者如弟師云諸人還識遠公意旨麼一不成二不是杖頭歷歷清風起上元上堂智燈常燬不屬晦明心月孤懸了無闇缺六凡四聖皆爲此月之光萬別千差悉是此燈之影諸人若於影未彰光未發時覩得透去盡大地無纖毫過患撮十方如粟米粒拈燈籠來佛殿裏將三門來燈籠上觸體常于世界鼻孔摩觸家風雖然如是

1170 1 2 3 4 5 6 7 8 9 180 1 2 3 4 5 6 7 8 9 150 1 2 3 4 5 6 7 8 9

麻三斤乾屎橛三腳驢子弄蹠行卽不問汝諸人且道日月燈明佛卽今在甚麼處還會麼鳥唬華發春風裏社舞鶯歌化日中卓拄杖下座

解制上堂九十日中參得底不勞拈出數千里外學來底閣向一邊覲面無私假請相見僧問大事未明名爲結制大事已明始爲解制正當解制一句作麼生道師云雪晴山脊現進云謝師指示師云杓卜聽虛聲僧便喝師云好一喝祇是你不知落處問結制與解制不同亦不異如何是無同異底句師云屋角梅華開已徧谿邊弱柳正揚眉乃云春日晴春鳥鳴

春華吐蕊春樹萌西來大意十分明演若逃頭心自憚不須憚迎葉峯前路坦平春江浩森春水盈春風無恙片帆輕况值九旬功告成住者仍住行者行舟行陸行遠行近行一任迢迢東浙與南京匝轔蹋破歸來也依舊雙睂眼上橫然雖如是中途或遇卒風暴雨前面是焦尾大蟲後面是南山鼈鼻左邊是萬丈縣崖右邊是無底深坑當恁麼時進不得退不得得獨步丹霄若道不得莫道翠巖山勢險前頭更最高峯復舉歸宗禪師因僧辭去宗云甚處去僧云

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

諸方學五味禪去宗云諸方有五味禪山僧者裏祇有一味僧便問如何是和尚一味禪宗便打黃檗和尚聞云馬師會下出八十餘員善知識箇箇廸漉漉地唯有歸宗較些子師云大小歸宗正是驢掠溼處尿說甚麼較些子直是未枉翠巖者裏也沒有甚麼一味五味愛暖同烘榾柂爐破寒共植青松樹飢則雲堂恣飽餐倦來壞衲支頭睡衆中或有睡不著喚不醒底衲僧要向諸方學五味禪去但向他道途中善爲且道與古人是同是別

大悲生辰上堂金沙灘上醜態異常玉浪堆中癡心

轉甚是處放憨賣俏隨方撒土揚沙惱亂天下衆生三十烏藤有分豎拂云卽今又向山僧拂子頭上現出千手千眼口喃喃地說道應以比丘身得度者卽現比丘身而爲說法應以居士身得度者卽現居士身而爲說法山僧道大士大士少賣弄我且問你居士身已現了作麼生是所說底法大士道風暖鳥聲碎日高華影重擲拂子云放過一著復云大眾還識現前飯依底劉居士麼三年以前山僧因避兵泐潭居士冒暑相訪爲竟夕之談中間自序參見諸尊宿機緣末云弟子做工夫至急切處只要殺人時如何

170 1 2 3 4 5 6 7 8 9 180 1 2 3 4 5 6 7 8 9 150

換述

山僧云試借刀看士沉吟山僧便掌士釋然作禮嗣後山僧住翠巖居士復寄書云自蒙指示後雖隨緣應物而不挂寸絲者自枉獨露一頭展開兩手其何敢忘寶珠峯頂一掌之恩復以高峯海底泥牛偈演成四首云海底泥牛銜月走忽聽海門師子呖泥牛顛得口開張吐月流涎三百斗巖前石虎抱兒眠懷中迸出乳如泉腥聞百族咸相造尾埽成堆一口吞鐵蛇鑽入金剛眼眨緊眼皮蛇尾晝暮然突出頂門來獨露綈綈誰敢瞞崑崙騎象鷺鷥牽牽至睂端遇普賢喝下崑崙騎著象一行白鷺上青天大眾高峯

大師從無中唱出可謂耀古騰今劉居士向矢上加鐵不妨風流儒雅山僧杜撰亦有一偈露柱著韁行水面燈籠乘馬到峯前爐中飛出三冬雪碓柴華開香滿天卓拄杖下座復喚劉居士近前云作偈作頌意識卜度得來祖師門下貴枉當機當機道得始見真參實悟試問居士如何是金剛正眼士云無所視師云未枉夏道士云瞎師云放汝三十棒土禮拜廬山隱光禪人送米入山飯僧上堂僧問承古有言世間有五種不易如何是不易底事師云黃龍猶枉進云叟有一種不易是甚麼人師云面南看北斗進

170 1 2 3 4 5 6 7 8 9 180 1 2 3 4 5 6 7 8 9 150 1 2 3 4 5 6 7 8 9

換述

云學人一番提起一番新去也師云鄭州出曹門問扭合虛空架萬弓歸來龍象隱重重當仁不讓多英俊虔請吾師一句通師云天高羣象正海闊百川朝進云燈籠露柱笑和尚時如何師云腳跟下蹉過了也進云畢竟承誰恩力師豎拂子進云從前汗馬無人識祇要重論益代功師云兔子喫牛你乃云西山僧喫盧山米世上人修天上因施受諦觀如夢幻當陽現證本來身大眾上是日月星辰雲霞煙雨下是山河大地草木叢林外六塵內六根中六識悉是空華皆非實相那箇是本來身豎拂云還見麼若向者

裏證得高超三界獨拔四生若證未得三界無安猶如火宅眾苦充滿甚可怖畏所以勞他黃面大師屈曲垂慈多方接引千說萬說打盡葛藤直至法華會上開方便門示真實相放出看間白毫大光普照當恁麼時還有文字相也無還有言說相也無還有心緣相也無言說文字皆離爭奈羣疑滿腹旁邊幸有箇文殊大士是他屋裏人知他屋裏事乃云今佛放光明助發實相義豎拂云者箇是放底光明那箇是實相義擊拂云橫塘宿鷺斜飛起幾隻銀觔挂樹腰復舉青原思禪師因僧問如何是佛法大意思云盧

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9 200

撰述

陵米作麼價師云大眾還識青原老漢立地處麼但見皇風成一片不知何處有封疆

張不空居士六旬初度請上堂有物渾成先天地生寂寥獨立而不改周行而不殆可以爲天下母吾不知其名字之曰道大眾昨夜老聃倒騎青牛上三十三天撞著帝釋云橋戶迦恭喜賀喜帝釋云賀喜箇甚麼老聃云橋戶迦汝不知耶我南閻浮提內長定鄉間六十年前生下箇優婆塞字曰張不空敬信三寶勤修十善他日善法堂中又添一人是故特來相賀帝釋云善哉善哉希有希有但願普天之下

皆持五戒修十善則干戈偃息河海晏清獄可空刑可措閻羅老子聽見忿然從地涌出云好大哥爾賞善我罰惡假使普天之下皆持戒修善我輩當作何事正恁麼時舜若多神出來震聲一喝云住住者裏是甚麼所枉說善說惡說賞說罰豈不見老聃道有物渾成先天地生既是先天地生汝二人作麼生賞得罰得既賞不得天堂曾弗住既罰不得地獄豈能畱然雖如是我更爲你勘過者老漢遂趨前云老聃你道有物渾成是甚麼物字之曰道是甚麼道若也道得我將舍身爲牀座而供養之若道不得推折你

1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8

青牛腳老聃被伊一問直得無言可對無理可伸依舊倒騎青牛歸達磨峯下默然而坐叢中還有爲老聃出氣者麼出來與翠巖相見如無翠巖卻請木上座爲渠出氣去也卓拄杖云六般神用空不空一顆圓光色非色壽山何啻大椿年塵沙劫又塵沙劫喝一喝

無住道人請上堂僧問大道不分男女相如何是大道師云步步蹋著進云蹋著後如何師云長江依舊向東流乃云無知是真知無見爲正見無住爲淨住無心是道心道心旣生凡情自盡凡情旣盡聖解不

畱掣開金鎖玄關直透向上一竅且如何是向上一竅山雲海月俱拋卻贏得莊周蝶夢長

余行一行嗣二居士請上堂薩陀波崙賣心肝而求般若焦甄打著連底凍怛薩阿鶴舍全身而求半偈刹竿頭上仰蓮心乃至斷臂安心推門折腳一口吸盡西江水半路俄聞丹桂香者一隊不唧咄漢雖是醫得眼下瘡爭奈剜卻心頭肉殊不知紅塵堆裏人鼻孔遼天赤肉團邊箇箇壁立萬仞青峯杳靄綠樹陰濃魚躍鳶飛樵歌牧唱斷崖雪瀑轟動地之晴雷幽谷煙霞布遙天之秀色文殊普賢起佛見法見

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

貶向二鐵圍山了也衆中還有出類拔萃獨脫無依者麼若有復可與祖佛爲師人天作眼可以移風易俗釋縛解黏可以點鐵成金點金成鐵不求福而福至不修慧而慧生不祈嗣而嗣滿寰區不延齡而齡同龜雀然雖如是人從建昌來卻得武昌信又作麼生參

佛誕陞座兼請監寺書託監修侍者及謝淨修尼齋僧出西園相云正恁麼時還是降生耶涅槃耶師云鐵牛吞大象進云和尚何不別道取一句師云罕逢穿耳客多遇刻舟人乃云三腳驢纔生兒孫徧天下

一字不著畫文彩已全彰鉢斧拈來玉殿瓊樓齊現扇子既破犀牛蹏角分明若向者裏著得隻眼去便見得未離兜率已降王宮未出母胎度人已畢是最初第一杓惡水金團選家玉象跨日入摩耶腹降淨飯宮分手指天地作大師子吼上下及四維無能尊我者是第二杓惡水末後於靈山會上拈起金色波羅華瞬眎大眾是第三杓惡水西天東土四七二十三使城東老嫗調達魔王乃至三界內外若男若女若老若少跛鼈盲龜蝦蟆蚯蚓悉無迴避處山僧今日

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8

特爲諸人雪屈卻將一杓惡水潑者黃面老漢去也
乃云美如西子離金闕嬌似楊妃下玉樓猶把紅羅
扇遮面不令人見轉風流

天中節上堂舉天童悟和尚云今朝五月五日知事
頭首請老僧陞座應箇時節老僧無計可處何以雄
黃燒酒固也不可要且無箇銅錢買稭穀思量到計
窮力極忽然得箇富不有餘貧無不足底平等法門
正可以與世移風易俗遂豎起雙拳云祇將者兩箇
大粽子供養大眾一任橫敲豎敲忽然敲著自家底
直教人人飽足免得窮廝煎餓廝炒爲甚如此到底

終輸自家寶師云天童老漢大似空拳誑小兒若是
者箇粽子莫道現前大眾無下口處縱使三世諸佛
出來看卽有分翠巖者裏有飯噇飯無飯歡粥不將
角黍纏不用蘭湯浴隨儉隨豐千足萬足足卽不無
試問大眾如何是自家寶批拄杖便下座

優婆夷禮千佛名經披髮請上堂頂相巍難見今朝
始豁開睂間舒佛眼刀下斷凡胎有髮還須髡無鬚
不用裁末山芳躅在紹續是英才復舉昔有秀才參
長沙岑禪師因看千佛名經次遂問百千諸佛祇聞
其名未審居何國土還化物也無沙云黃雀樓崔顥

1170 1 2 3 4 5 6 7 8 9 180 1 2 3 4 5 6 7 8 9 150 1 2 3 4 5 6 7 8 9

題詩後秀才還曾題也未才云不曾沙云得閒題取
一篇好大眾長沙古佛善應來機爭奈措大猶忙送
幸雀樓勝槩今日或有問翠巖百千諸佛居何國十
但向他道碧玉殿流聲浩浩紫金光涌汗淋淋

天童悟和尚十週忘辰上堂僧問十方無縫罅四面
亦無門天童老人卽今向甚處行履師云餽湯爐炭
裏驢胎馬腹中進云和尚虔誠設供未審還來赴也
無師云天共白雲曉水和明月流進云恁麼則盡大
地衲僧皆飽足去也師云閻黎分上又作麼生僧禮
拜師乃云東無邊太虛空爲一棒二十餘年朝打暮

打不曾打著一人拈百億須彌盧爲一舌六坐道場
橫說豎說不曾說著一字山僧昔年行腳在鳳陽頹
艸自可憐生無端被一陣業風吹到寧波府太白
山下曲彖牀邊撞著者沒面目底老凍膾將錯就錯
拜了幾拜究竟不曾聽得一言旣不曾聽得一言則
無恩可報旣不曾說著一字則無法可傳旣無法可
傳無恩可報則設忘燒香豈不皆成虛套且作麼生
說箇不虛底道理不因樵子徑爭到葛洪家

重開古港上堂僧問師今登座海眾雲臻從上宗乘
請師一舉師云秤錘浮水面進云恁麼則千古風規

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8

今日猶在師云手執夜明符幾箇知天曉進云昔日
百丈開田爲眾說義今日翠巖開港與眾合作麼生
師云終不爲蛇画足進云恁麼則緊捎草鞋大家普
請去也師云莫待雨淋頭問成就文殊智海先入普
賢行門如何是文殊智海師云寸草不曾留進云如
何是普賢行門師云萬法齊彰現進云文殊普賢卽
今在什麼處安身立命師豎拂云見麼進云處處分
明猶礙眼密移一步始相親師云如何是密移底消
息進云金鋤不動土水到自渠成師云未在更道僧
禮拜云功不浪施去也師云過一邊立乃云湍水橫

流二百年香臺無像篆無煙今朝直濬洪谿路看取
禪燈萬古傳大眾洪谿路淹鍬鋤可濬曹谿路塞大
禹難疏到者裏如何著力若也諳得落處不費纖毫
力觸處自流通所以道靈源明皎潔枝派暗流注如
是則滔天沃日處涓滴不留積石飛埃中波濤無盡
縱使滄桑迭易佛國巍然舟壑夜移禪燈宛爾直得
洪谿與曹谿竝遠湍水共法水同源正恁麼時且歸
源一句作麼生道水流西澗朝東澗雲起南巒過北
巒

上堂舍戒定慧縱貪嗔癡謗諸佛毀於法不入眾數

1170 1 2 3 4 5 6 7 8 9 180 1 2 3 4 5 6 7 8 9 150 1 2 3 4 5 6 7 8 9

撰述

終不得滅度是一闡提人分上事勤修戒定慧息滅貪瞋癡妄潔冰清滴水滴凍是奴兒婢子邊事直得入林不動草入木不動波劍刃上翻身冰凌裏走馬若到翠巖門下勘過了打畢竟如何但有路可上更高人也行復舉三祖大師云歸根得旨隨照失宗須臾返照勝卻前空師喝一喝云大小祖師猶有者箇枉

洞山亡和尚請上堂僧問四七西天傳法旨二三唐土永流芳自從五派支分後一段真風到處揚如何是臨濟宗師云棒敲師子骨進云如何是曹洞宗師

云白鳥入蘆葦進云臨濟曹洞是同是別師云清風對明月進云恁麼則落華無背面流水自東西師云何不向自宗上道取一句進云掀翻五位無偏正劈破三玄作兩邊師云好與三十棒問佛日昇天法雷震地臨濟家風卽不問如何是五位君臣底句師云草漢無異路進云如何是君師云金殿寥寥絕見聞進云如何是臣師云玉階密密向邊行進云如何是君視臣師云桂輪皎皎映波心進云如何是臣向君師云環佩珊珊拜聖明進云如何是君臣道合師云半夜日頭光爍爍進云祇如五宗收不得三藏莫能

170 1 2 3 4 5 6 7 8 9 180 1 2 3 4 5 6 7 8 9 160 1 2 3 4 5 6 7 8 9

詮又作麼生師云擺手出章江進云恁麼則玲瓏巖畔玉華開迦葉峯前金果熟去也師云瞻仰有分乃云寒鴉立雪夜半正明孤雀巢松天曉不露明穿玉綫暗度金鍼五位宏開三根普利埽盡法中姦弊整起洞上頽綱直得畱雲峯和尚戴角披毛橫身爲物處諸光耀宇此是洞山亡和尚戴角披毛橫身爲物處諸人還知著落麼若也知得便見古釋迦不先今彌勒不後新豐洞不淺湧沱河不深外雖如是渠我交參正偏回互卽不問汝諸人且道釋迦峯與彌勒峯聚首對談何事還委悉麼無孔笛逢旣拍版吹吹拍拍道道看使無語師云蒼天蒼天

韻高寒昔洞山亡公參天童先師問人境俱忘未審主人公枉甚麼處先師把住云道道山就手一推先師遂拓開山禮拜先師又一脚踢住云道道山攔腳一拳先師便打山便出大眾玲瓏巖峻古策風高一脚一拳星飛電卷非特解搖鱗尾抑且善捋虎鬚既然如是爲什麼向他家齋瓮裏淹殺乃顧專使云試道道看使無語師云蒼天蒼天

師誕日兩序大眾請上堂僧問頂顰本父母歷劫共團圓時中無觸背處處露慈顏如何是本來父母師云無影樹頭風颯颯進云養育恩深劬勞德重天地

1 2 3 4 5 6 7 8 9 10 11 12 13 14 15 16 17 18 19 20 21 22 23 24 25 26 27 28 29 30

椿萱如何報答師云不萌枝上月團團進云可謂將此淡心奉塵刹是則名爲眞報恩師云闍黎報恩一句作麼生道進云拾得驪珠光燦爛相將攜手上高峯師云一椎粉碎問昨夜庚星現今朝師子鳴千峯呈瑞彩萬派慶無生如何是無生底句師云雲收山嶽露進云頭頭無滯礙處處自天外師云雨過竹風清進云恁麼則南極黎明宣壽域北風半夜舞三臺師云波斯入漢關進云祇如和尚壽量還落延促也無師云劫石有銷日此翁無老時進云學人現枉生死中如何出得師云三生六十劫僧一喝師云野干

鳴進云不得中郎鑑還同野舍薪師云杵鉢薰醋問如何是生以不生生爲生義師云白雲影裏怪石露進云如何是死以不死死爲死義師云綠水光中古木清進云明知生是不生之法爲甚被生死之所流師云廚庫對山門進云恁麼則棒下無生忍臨機不見師隨聲便喝師云喝卽不無無生句子卽未在進云不勞重註腳師便喝問爐飄玉篆燭秉金蘭第一義諦卽不問祝延一句請師宣師云釋迦頂萬年松進云恁麼則滿堂雲水咸加領共祝師年等太虛師云八十翁翁牙不動進云昔日世尊初生時道天

上天下唯我獨尊未審他以何爲尊師云無孔鐵鎚

拂迹

高僧傳記卷二

當而擲進云雲門道我當時若見一棒打殺與狗子
喫又作麼生師云知恩方是報恩人進云祇如和尚
今日生辰又以何爲尊師云萬岫聳寒色進云怎麼
則大眾禮拜去也師云禮拜直須頭點地乃云甲寅
年甲戌月癸未日癸亥時高陽邨裏深閨內黑頭生
得白頭兒大眾山僧本命元辰年庚八字一時說句
諸人了也還有善推詳者麼若推詳得出五行羅不
得三界豈能收其或未央慶生何似無生慶慶得無
生生死休以拂子擊禪牀下座

立知事頭首上堂僧問不禮須彌王便登師子座爲
是神通妙用爲是法爾如然師云師子掘中師子栴
檀林裏栴檀進云祇如少林五葉徧界芬芳爲甚臨
濟一枝寰中獨秀師云還他嫡骨兒獨步乾坤外進
云與麼則人人全象力箇箇奮威師云放汝三十
棒進云萬國共知金屋貴六街齊聽靜鞭聲師云也
不消得問一句臨機賓主齊現如何是賓主句師云
燈籠入露柱進云如何是賓師云觸目是埃塵進云
如何是主師云覲面無儔俗進云如何是主中賓師
云大地盡皆春進云如何是賓中主師云腦後自薦

170 1 2 3 4 5 6 7 8 9 180 1 2 3 4 5 6 7 8 9 160 1 2 3 4 5 6 7 8 9

取進云如何是賓中賓師云說起愁人愁殺人進云
如何是主中主師云橫按鎧鉏無佛祖進云臨濟兩
堂首座同喝賓主歷然和尚正令當行賓主在什麼
處師便喝僧亦喝師又喝僧禮拜師云猶欠一著枉
進云橫身當宇宙誰是出頭人師云好與三十棒乃
云唆臨濟喫棒心毒如蛇昇兜率白椎口甜似蜜皮
膚脫落腦後更下一椎明暗雙忘機前舌轟四喝直
饒不入者保社鼻孔先穿剗得三百箇祖師舌頭拖
地翠巖今日拈條斷貫索子將者夥破落戶一串穿
來頓向無陰陽地上非特毗贊宗乘紀綱法社要使
是大家催

開爐上堂僧出眾禮拜起便喝云若論第一義被某
甲一喝百雜碎了也且道又作麼生觀師云楚雞不
是丹山鳳僧打圓相云卽今捏聚收來時如何師以
拂子一劃進云祇如不收不放請師道師云蝦蟆口
裏一粒椒僧一喝師云再喝看僧又喝師云野干鳴
進云巍巍逼塞虛空際壓落當陽亥古今師云餽飯
泥茶餅進云和尚莫誣人好師云保福道底問朔風

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

寒凜冽法雨潤蒼生撥轉紅爐燄佛祖一齊烹既是
開爐爲什麼不施柴炭師云凍徹你骨髓進云箇中
還有不假煅煉者麼師云鄂杜月頻滿瀟湘人未歸
進云目前景象人皆見燄裏明珠幾箇知師云閑黎
還知麼進云利劒拂開天地靜霜刀纔舉斗牛寒師
云布袋裏老鴉僧便喝師亦喝僧又喝師云三喝四
喝後又作麼生僧拂袖歸寂師云放過一著乃云瓦
天烈燄金鐵俱鎔出匣靈鋒蛇龍盡斬直得黃頭碧
眼飲氣吞聲臨濟德山望風斂衽更若分迷分悟落
盡眉毛說性說心橫屍萬里縱使露堂堂明歷歷正

是貼肉汗衫分玄要立主賓何異野狐涎唾到者裏
須是出格英靈不顧危亾全身投入始得獨脫無依
正恁麼時如何是獨脫無依底句透過荆棘林斫倒
梅檀樹以拂子擊禪牀喝一喝

非浪禪人請上堂一念未生已前淨羸羸赤灑灑盡
大地無纖毫過患一念既生之後亦淨羸羸赤灑灑
徧十方沒半點塵埃既沒半點塵埃又無纖毫過患
爲甚麼十箇有五雙到者裏一似撞牆撞壁還知麼
巨浪涌千尋澄波不離水復舉雪峯禪師因僧參峯
問那裏來僧云覆船來峯云生灰海未渡爲甚麼覆

1170 1 2 3 4 5 6 7 8 9 180 1 2 3 4 5 6 7 8 9 150 1 2 3 4 5 6 7 8 9

撰述

詩經卷之二

卻船僧無語歸舉似覆船船云你問我僧理前問船
云渠無生死大眾還識渠麼長長底箇矮子光下牕
箇鬍兒

晚參山僧昨晚不曾落堂堂中走卻禪師左右鄰單
不覺大家高枕鼾呼鼾呼卽不無或若被人竊去衣
鉢時如何僧云家賊難防師云恁麼則閣黎著賊了
也僧無語師云你問我僧理前問師云者老賊復舉
鴻山問仰山天寒人寒仰云大家在者裏鴻云何不
直說仰云適來也不曲和尚如何鴻云且須隨流師
云鴻仰父子主賓互換縱奪可觀仔細檢點將來一

人理上偏枯一人事上不足要得事理圓融更買草
輶行腳始得

人日晚參人日晴天下平干戈偃聖賢生聖賢旣生
且道是何面目豎拄杖云大眾見麼分明月在梅華
上看到梅華香已遲僧問如何是無陰陽地師云蹠
著卽禍生如何是無根樹師云繫驢橛如何是叫不
應山谷師云相隨來也

因事晚參山僧撥草方外十有餘年學得箇海上僊
方一向祕惜不妄宣傳今晚不免說向諸人去也此
方不假望聞問切不假鍼灸按摩丸藥末藥草藥君

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

孫述

臣藥總不消得祇是不得作世法會不得作佛法會
若能直下領得用得頓使身病心病佛病祖病乃至
禪和子八萬四千毛病一時頓愈諸人切須記取記
取諦聽諦聽乃連作打呼聲歸方丈

晚參佛法相見不比尋常低頭擬議歧路亾羊不亾
羊頭角分明沒處藏且那箇是分明底頭角喝一喝
晚參竹梆一響攪先去雲版三鳴尚未歸道念若同
情念切倒騎白象步如飛衆兄弟逐日上去下來那
箇是騎底白象若委悉得箇箇是活普賢如或未知
翠巖爲汝指出便撲杖歸方丈

晚參六七十員窮衲子夜寒無絮畫無禪霜風颯颯
侵毛骨無位真人聞不聞大眾颯颯霜風千林木落
箇箇皆聞作麼生說箇不聞底道理若委悉去寒暑
莫能侵汝生得自在其或未然但知事逐眼前過不
覺老從頭上來

貼單小參有名有位東西相對無位無名大地平沉
大地既平沉諸人向甚麼處安立首座便喝師云喝
卽不無親切道一句看座云遼佛場中親及第人人
鼻孔盡遼天師云放過一著眾禮拜師歸方丈

人日杜偉之居士預慶四旬請上堂頂門眼正始明
棒下無生胸次情枯乃能逢緣不惑外不被六塵所
惑則見色如盲聞聲如響雖處塵勞不爲塵染內不
被六識所惑則三際頓斷一念不生中不被一切語
言文字所惑則能脫羅籠出窠臼改禾莖爲粟柄易
短壽作長年所以臨濟祖師道達摩西來祇是覓箇
不受惑底人卽今衆中莫有不受惑者麼試出來說
說看如無山僧因齋慶贊去也卓拄杖三裂破塵勞
網還他英偉人

古雪喆禪師語錄卷二

古雪喆禪師語錄卷三

嗣法門人傳我等編

住翠巖寺語錄

上堂僧出打圜相云箇裏不許商量請師別通一路
師以拂子打圜相拋向後進云手執夜明符幾箇知
天曉師云何得把髻投衙進云透出龍門雲雨合山
川大地入無蹤師云木龍雖有角未必解騰雲進云
已飛霄漢外何勞更下錐師云腳跟下好與三十棒
問喚作一物卽不中未審喚作甚麼師云蟲子上鐵
牛進云污染不得底人還假修證也無師云誰是其

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

人進云突出目前師云切忘錯認進云覲面擊開無
盡藏頭涌出自家珍師云好人不肯做更要屎裏
臥問不入驚人浪難逢稱意魚如何是驚人浪師云
當頭三十棒進云如何是稱意魚師云自領出去僧
便喝師云亂喝進云老漢話頭也不識師云雪峯道
底問談真則逆俗順俗則違真去此二途作麼生得
恰好去師云鐵鶴飛雲外進云祇如古人道我宗無
語句實無一法與人和尚五參未審又說箇甚麼師
云事無一向進云恁麼則今古應無墜分明在目前
師云你試舉目前底看僧禮拜云靈山受記不異今

日師云且緩緩問南泉斬貓劔爲不平離寶匣兩堂
爲甚臨機道不得師云伏惟尚饗進云未審南泉是
何心行師云一任敲甄打瓦進云趙州戴草鞋裏因
起死出金餅救得貓兒卽今何在師豎拂子進云今
日翠巖堂中也無貓兒爭得要且箇箇擒龍捉虎和
尚又作麼生師云一狀領過進云手提殺活金剛劍
誰敢當頭正眼看師云如何是金剛劔僧便喝師云
三十棒一棒也不饒問人人鼻孔遼天箇箇舌頭挖
地本分一著爲甚有明與不明師云未到烏江畔知
君未肯休進云明知生是不生之理爲甚麼卻被生

1 2 3 4 5 6 7 8 9 10 11 12 13 14 15 16 17 18 19 20 21 22 23 24 25 26 27 28 29 30 31 32 33 34 35 36 37 38 39 40 41 42 43 44 45 46 47 48 49 50

久之所流轉師云知之一字眾禍之門乃云碧水丹山盡是當人自己鴉鳴鵠巢無非古佛家風乃至妄想昏沉無明煩惱三毒四倒九結十纏一一精明一解脫所以道一切障礙卽究竟覺然雖如是鍼眼魚吞卻嘉州大象卽不問你觀世音菩薩將錢買胡餅放下手爲甚麼卻是餽頭不到烏江畔知君未肯休

上堂僧問五參提唱百丈成規照例施行卽不問如何是繼往開來底句師云高低山色朝昏見斷續鐘聲遠近聞進云與麼則一回拈出一回新也師云你

試拈出看進云曉風淒玉樹霜月照瓊枝師云重說偈言乃云千山萬水來尋師決大事將謂有法求原來沒巴鼻日裏不得閒夜間不得睡擡碌路又遙搬柴山難跋肩頭腫似桃腳皮如粉碎腰又酸頭又悶粥又稀菜又淡衣又單風又利才到爐邊偷箇閒又被人家生論議仔細思量著好悽惶好生受也眾兄弟叢中或有箇擔版漢出來道長老寶華王座上須是說些禪說些道說些玄說些妙何得一味世諦流布同兒戲翠巖但向他道擔版漢你豈不見黃面老子說道治世語言資生業等皆與實相不相違背大

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

眾還見實相麼大碌八人撞小碌四人昇

平古法堂基上堂僧問言前薦得猶落今時如何是
言前薦得底句師云月高林影盡進云有人不向佛
法僧求到者裏和尚還有安頓他處麼師云霜重桺
條疎進云只如功德天黑暗女移奪他不下底未審
他莫甚手眼師云洪洲紙貴進云某甲則不然師云
你又作麼生進云曾經大海休誇水除卻須彌不是
山師云驢棟溼處屎乃云法燈既滅法堂摧高棟成
叢瓦礫堆今日淨除無一物祖師何事不歸來幕拈
拄杖云正恁麼時木上座跳出來說道老漢寢語作

麼卽今千指圍繞四海同堂赤肉團頭壁立萬仞阿
那箇不是祖師靠拄杖云一釣便上復云以虛空爲
堂聚白雲爲蓋不假椽柱棟梁不屬住空成壞呼釋
迦爲奴使達摩爲價正恁麼時且道是誰境界一僧
出眾作禮起便歸位師便打

上堂僧問千華座擁四眾咸瞻方便多途卽不問一
門超出事如何師云鐵蛇橫古路進云恁麼則頂額
流出師子乳點化凡身卽佛身師云鯤跳不出斗進
云只如今日我公飯僧請法用報師恩未審他先師
還來鑑也無師云何處不逢渠進云刀山劍樹翻筋

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

接述

斗天上人間往往還師云也是重說偈言乃云十八
灘頭遇一人面目渾無徹骨貧百尺竿頭進一步擊
碎珊瑚誇巨富富非富貧非貧喚牛作虎渾閒事功
位雙超始是親正恁麼時如何是功位雙超底句寒
松靜夜無虛籟老雀移棲空月巢復云山僧昔在百
城煙水時有箇同參字羅峯從儒入釋氣宇不凡聚
首天童未幾分攜至西江雅爲獨尊我公所推重頃
聞在粵中已遷化了也山僧深爲太息乃者我公過
訪翠巖齊金設供命舉宗乘用報師恩山僧因詰其
鍼芥之由我云曾問先師大事未明如枣考妣時如

何答云呼喚不來大事已明因甚亦如枣考妣答云
追悔不及某於言下打破漆桶大眾羅峯與麼答話
祇有殺人刀且無活人効忽問翠巖大事未明如枣
考妣時如何但向他道路旁華表柱大事已明因甚
亦如枣考妣階下破芭毬

佛成道日獨尊上座薦鑑進二禪人請上堂僧問智
慧德相本自圓成六載雪山爲明何事師云山桃葉
落霜風急進云恁麼則大地含靈齊成正覺去也師
云梅萼香飄清晝寒進云驀然打失瞿曇眼刹剎塵
塵正體彰師云乞兒見小利問夜覩明星卽不問園

1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8

標題

成三聚事如何師云刹竿頭上風車子問此二亾人
一明一暗離此二途請和尚道師云金鎖兩頭搖進
云恁麼則雷音震大地聾人親得聞師云聞後又作
麼生進云亾人承法力直超涅槃城師云者句最親
切乃云一人就路還家一人離家就路離家就路寸
步不曾移就路還家通身無影像便恁麼去猶枉半
途何況辛苦六年覩星半夜說述說悟點肋點胸揜
點將來不免喫翠巖手中痛棒大眾還知棒頭落處
麼若悉去便見得大地含靈本不曾述釋迦老子
亦不曾悟鑑進二禪客元不曾歎目前四眾等亦不

曾生所以道性真常中求於述悟生歎了無所得既
無所得則釋迦老子亦不可得大地含靈亦不可得
目前四眾亦不可得鑑進二禪亦不可得說底不可
得聽底不可得所說之法亦不可得此不可得亦不
可得與麼見得正是黑牛臥死水未得脫灑枉須知
死人路上有活人出身處活人路上死人無數灼然
出得荆棘林是好手正恁麼時脫灑一句作麼生道
卓拄杖云枯樹雲充葉凋梅雪作華

打七晚參本自絕思議無端要起期期中疑未息大
家要打七日七夜不許眠通紅猛火著澆煎煎得

1 2 3 4 5 6 7 8 9 180 1 2 3 4 5 6 7 8 9 150 1 2 3 4 5 6 7 8 9

虛空頭腦裂眉鐵迸出珊瑚月且道迸出後如何海
門東畔是新羅復舉歸宗禪師因僧問如何是佛宗
云卽汝便是僧云如何保任宗云一翳在眼空華亂
墜師云歸宗老漢固是作家宗師其奈眼孔太窄或
有問翠巖如何是佛劈脊便棒如何保任連棒打出
且道與歸宗是同是別

上堂僧問如何是金剛正體師云萬年牀上雪湧湧
進云如何是當人妙用師云鉢盂峯畔古松青進云
從體起用時如何師云洪爐翻玉浪進云攝用歸體
時如何師云大地絕纖埃進云體用互呈時如何師

云鼻孔下頭大進云體用已蒙師指示如何是新婦
騎驢阿家牽師云前三三後三三進云不是輸他肌
骨好大抵風流出當家師云你道譚董二將軍竟日
商量何事僧云過師云未是當家枉問莫守寒巖異
草青坐卻白雲宗不妙意旨如何師云不許夜行投
明須到進云如何是宗師豎拂子進云草枯巖裂時
宗枉甚麼處師云藏盡楚天月猶存漢地星進云恁
麼則龍歸大海波濤壯虎到渙山意氣雄師云念言
語漢乃云十五日已前爾不得住我者裏竹密不妨
流水過十五日已後爾不得去我者裏山高那礙白

1170 1 2 3 4 5 6 7 8 9 180 1 2 3 4 5 6 7 8 9 150 1 2 3 4 5 6 7 8 9

雲飛正當十五日雲橫四野水滿雙谿去住自由彼
我無二維那手中巡香版忽然跨跳上非非想天獨
瞎摩醯首羅三隻眼石門和尚倒騎洪崖先生雪精
鑽入露柱鼻孔裏去也木口廟裏譚董二將軍擲下
寶劒呵呵大笑云飛鳥盡良弓藏狡兔死走狗烹你
輩瞼睡禪和子晝三夜三開眼也睡合眼也睡還曾
睡醒也未卓拄杖云吽吽便下座

晚參明朝一七已完却前有箇王媽媽今日到寺中
恭恭敬敬下一請帖帖中道你們打七禪師盡是學
般若菩薩作堂頭底坏子百劫千生難逢難遇明朝
攀請列位到他家喫頓如意底放參飯祇是飯中醍
醐也有毒藥也有你若不喫底是不免饑羸憊惶喫
他底又被閹殺且道喫底是不喫底是眾無語師云
真箇可憐生良久復云不見身心世界亦未見自性
枉一拳打破虛空猢猻走入布袋

謝靈杲三目無隱三專使天童埽塔歸上堂僧問庚
峯設算知恩報恩知恩報恩卽不問肋下還拳事若
何師云龍生金鳳子衝破碧琉璃進云恁麼則磨角
鳳毛俱是瑞梅檀蕊萬一般香師云親言出親口乃
云鄧江此去三千里總在先師一塔中百十餘旬遊

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

歷徧躉輶蹋破見同風同風已見消息已通法乳已
酬真風已扇還有不假遊歷不出戶庭直下見得先
師靈塔底麼其或尙留觀聽不免當陽指出以拂子
打圓相云見麼覲面不明此一著回頭何啻隔千山
昨來天童林野奇和尚云千里同風彼此知睽違許
久弗無疑前朝接得真消息始信渠儂不負師道場
山翁恣和尙云天童法乳潤闇浮若箇知恩解報酬
颯颯千林秋色暮真風何意扇南洲大眾二大老舌
如利劍眼似銅鈴尋常訶佛罵祖抑古排今爲甚麼
卻放翠巖小長老出一頭地不見道同聲相應同氣

相求然雖如是翠巖已被二貞老賊活埋在無底坑
裏了也諸人還知利害麼更有奉和道場法兄三偈
舉似大眾道峯峯頂鐵船浮掣電機鋒不易酬佇看
楊歧真嫡骨高提三腳跨神州巾幘共侍白峯時往
事而今尚可追幾度向爺誇幼弟憐才豈惜兩行眉
不才淡媿繼天童推獎猶欣見古風誰謂分光非佛
日毫端已現一輪紅

立春小參霜葦布地冰樹參天凍鎖千谿寒封萬岫
正與麼時無言童子出來報道今日東君行正令霜
華冰樹豈能畱翠巖道子何以見得他道葭管已飛

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8

灰翠巖道霞管已飛灰東君在何處童子復禮拜大
眾且道童子是會了禮拜不會禮拜若辦不得春冬
同一際往復任隨流若辦不得歲華空復晚鄉思不
堪愁昔有僧問雲門禪師如何是雲門一曲門云臘
月二十五大眾雲門一曲可謂今古罕聞白雪陽春
祇是難爲接拍今日正當臘月二十五還有會得雲
門一曲底麼翠巖固是病體支離也無妙音可和聊
爲應箇時節與大眾聽聽以拂子擊香案高聲唱云
你若無心我也休

除夕上堂僧問眉毛分八字鼻孔大頭垂迷悟不干

懷合作麼分付師云空中書卍字進云祇如父母未
生前者一著落甚麼處卍云餸裏結寒冰進云三
十日到來又作麼生師云卍山常在白雲中進云來
年夏有新條枉惱亂春風卒木休師云未必乃云事
無巨細貴在力行理無淡淺妙在徹見徹見則事事
皆如意行則頭頭合道山僧昨來肩竹過落馬嶺上
無端踢破舜若多神鼻孔直得百億須彌一時粉碎
章江惡浪徹底俱乾香嚴老子從天降下拍手高歌
云去年貧未是貧今年貧始是貧去年貧猶有半倉
穀今年貧大倉小倉無一升山僧隨聲便喝云老老

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8

大大俗氣也不除大眾祇如脫俗一句作麼生道還
知麼但得雪消去自然春到來復舉北禪賢禪師云
年窮歲盡無可與諸人分歲且烹一頭露地白牛炊
黍米飯煮野菜羹大家喫了向榦榦火唱郵田樂免
得倚他門戶傍他牆剛被時人喚作郎天童林野和
尚云古德烹露地白牛分歲天童煮透海烏雞過年
不用文武火燒放下自然頓熟大眾烹牛煮雞二老
不妨奇特爭奈美食不中飽人餐翠巖者裏無牛可
烹無雞可煮祇是一味平常麩茶淡飯與大眾分歲
何故人情若好喫水也甜

元旦上堂僧問元正啓祚卽不問斬新號令請師宣
師云某日正東昇僧打闌相云者箇還有新舊也無
師云寒蟬抱枯木進云祇如鏡清道有明教道無又
作麼生師云塞北千人帳江南萬斛船進云恁麼則
二途齊坐斷獨露一輪紅師云舌上覆金錢乃云鬧
市裏識取天子百草頭薦取老僧老僧面目了無故
新天子威光豈有遐邇旣無遐邇則舍元殿上釋迦
峯前不隔寸絲當陽顯露旣已顯露且道如何相見
乃起身鞠躬云萬歲萬歲萬歲下座

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

師子子不妨啗出大家看有麼有麼僧問鐵牛喫盡欄邊草時如何師便打進云石人遇石虎相看早晚休師復打云且道棒頭落在甚麼處僧曰圓相師復打問如何是奪人不奪境聲未絕師便打云是人是境僧擬議師連打退云學語之流復云還有問話底麼眾不出師云拋鉤釣鯢鯨卻釣得箇鰐兒

小參過年經五日紛紛來賀新通紅席帽下都是舊時人大眾昨日知客引箇戴席帽底漢子到方丈相見山僧淡淡向伊作揖了起來遂問尊駕高姓伊云黃梅道底請教大號伊云臨濟道底高隱何鄉伊云

和尚何得忘卻大眾山僧被者漢一拶直得東西不辨南北不分眾中還有記得底麼試出來說說看既是舊時人因甚不諳他住處委悉麼莫怪相逢不相識隱隱猶懷昔日嫌

上堂僧問子韶格物妙喜物格請師一言分剖析師云籬頭吹觱篥進云如何是格物師云微風搖古木進云如何是物格師云細雨滴巖華進云格物與物格相去多少師云長江水上波進云明皇斬画像彼中頭落意作麼生師云片葉飄庭際西風萬里秋進云恁麼則一劍橫飛兩頭俱落去也師云殷勤送

1170 1 2 3 4 5 6 7 8 9 180 1 2 3 4 5 6 7 8 9 150 1 2 3 4 5 6 7 8 9

出荒郊外僧便喝師云亂喝進云莫將雀喫誤作鶯
唬師云棺木裏瞎眼乃云禪堂裏繞露柱經行步步
踢著齋堂裏拈瓦椀喫飯下下敲著蒲團上疊雙膝
打坐心念著乃至東廊上西廊下東司頭火爐邊
處處撞著既是撞著念著敲著踢著則一一分明塵
塵解脫因甚一七二七坐到三更五更畢竟不得疑
團猶烈燐地從胸落喝一喝云無繩休自縛復舉襄
州華嚴禪師上堂云大眾今日若是臨濟德山高亭
大愚下兒孫不用如何若伺便請單刀直入華嚴與
汝證據平地撻魚鰯守廓侍者出眾一釣便上禮拜
起便喝嚴亦喝廓又喝嚴亦喝兩箇漆桶相揩廓禮
拜起曰大眾看者老漢一場敗闕又喝一喝拍手歸
叙普州人送賊嚴下座歸方丈釣得金鼈即便休時
風穴作維那上去問訊嚴曰維那汝來也叵耐守廓
適來把老僧扭程一上待集眾打一頓趨出再理竿
絲連夜釣穴曰呸他遲了也自是和尚言過他是臨
濟下兒孫本分怎麼錯下名言嚴方息怒鐵鑄面皮
穴舉似廓傳言送語有甚了期廓曰你著甚來由勸
者漢我未問前早要棒喫得我話行如今不打搭卻
我者話也已喫華嚴三十棒了也穴曰雖然如是此

話已徧天下不信道大眾舉已舉了註已註了還知
二老著落麼不惜着毛叟爲諸人拈出電卷星馳龍
驤鳳翥敗闕則二俱敗闕作家則彼此作家還有單
刀直入底麼若無樂布作爭得見韓光

請知淨花主上堂僧問放出堦中師子吼震徧三千
及大千收回直下無蹤影收放一句請師宣師云露
柱穿鞞水上立乃云清淨身原自絕塵也須入水見
長人休論桶篋爆不爆乞未乞炭何妨道柳巷華衢
信步行鍋子由來鐵鑄成已到未到喫茶去風前有
路超調御毫端建刹亦尋常一柱明明掌一梁蒼地

打開無面目瓦解冰消全體現且道那箇是現底全
體滿撒珍珠羅帳裏喝一喝復舉文悅禪師初參大
愚芝芝曰來何所求曰求心法芝曰法輪未轉食輪
先轉後生家趁色力健何不爲眾乞食我忍飢不暇
何暇爲汝說禪乎悅不敢違未幾芝移翠巖悅納疏
罷復過翠巖求指示芝曰佛法不到爛卻宜爲眾乞
炭悅亦奉命能事罷復造方丈芝曰堂司乏人今以
煩汝悅受之不樂恨芝不去心地坐後架桶篋忽散
自架墮落忽然開悟頓見芝用處走搭伽黎上寢堂
芝迎笑曰維那且喜大事了畢竟不及吐一辭而去

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

大眾芝老竝不曾教伊看話頭做工夫爲甚麼悅公
便悟去還知芝老爲人處麼野色更無山間斲天光
直與水相通

解制謝靈知藏齋兼普請栽松上堂僧打圓相云祇
者箇三世諸佛不知有黧奴白牯卻知有因甚有結
師云鐵馬沉寒水進云作麼生解師云雪晴天地春
進云結解同源縛脫不二如何是同源不二師豎拂
云見麼進云既解之後向甚麼處去師云看腳下進
云未動腳跟前一步看來原不涉程途師云也是雲
居羅漢乃云紙燈吹滅古路全彰疏鈔俱焚靈光獨

朗正要滅胡種族何期誤入桃源一條白棒橫拈萬
古威風稟冽叟說卽心卽佛何殊癩馬繫枯椿縱使
非佛非心也是烏龜行陸地直得不是心不是佛不
是物一槌粉碎黃金骨也未是性燥漢那堪叟向黑
山下鬼堦裏東思西想說我坐禪提話頭做工夫活
被周金剛笑殺跳出黑山鬼堦一句作麼生道瘦石
連雲坐青松帶雨栽以拂子擊禪牀下座

上堂僧問人法俱空本絕蹤曹谿叟立五家風手插
鐵棒敲殘月萬別千差直下通既是人空法空和爾
叟付何法師云春至百華開進云祇如世尊初轉法

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

輪四眾俱從一門超出未審是那一門師豎拂子進
云雖然果證無生國爭奈遭他毒藥何師云上座也
跳不出乃云野渡無人舟自橫果然親到者裏太地
山河一隻眼何妨爍破乾坤沒溺天下人須是紅爐
玉浪鋪華新錦上還他春谷雪門一機既投千機頓
赴一處既徹萬法全彰所以道承當恁麼事須是恁
麼人若是恁麼人何愁恁麼事正恁麼時續談聯芳
一句作麼生道釋迦峯畔春風急四朵雲華一夜開
復有一偈中原楚粵與雲間異地同參濟北禪分得
翠巒峯頂月大千何處不團圓

佛誕日靈宗禪人請上堂僧問蜀魄連宵叫鶴鳴終
夜曉闌通門大啓何事隔雲泥如何是闌通門師云
幽禽忽起藤華落澗瀑吹聲度石橋進云若將耳聽
終難會眼處聞聲始得知師云你道陝府鐵牛因甚
吞卻嘉州大象進云鐵牛且置祇如世尊今辰降誕
和尚還有慶贊句子也無師云向日荷新卷進云恁
麼則香水翦頭齊灌沐莫教錯過老金僊師云迎風
柳正青乃云韶陽要打殺趙州不喜聞落華浮別澗
流恨滿江却大眾古今禪客盡道韶陽透頂透底知
恩報恩者一棒打得極好又道趙州把斷要津不通

1170 1 2 3 4 5 6 7 8 9 180 1 2 3 4 5 6 7 8 9 150 1 2 3 4 5 6 7 8 9

撰述

凡聖佛也沒奈伊何與麼見解未出常情有甚麼交涉殊不知二大老祇圖步步登高不解從空放下翠巖今日也不行棒不行喝一味笑臉相迎和南合掌淨點武夷茶三盞熱燒木香湯一盆與伊從頭洗滌一偏不是攀條攀例亦非報德報恩可中有箇向合木和泥處一脚踢翻不妨通身慶快慶快卽不無且道昭王二十四年以前向甚處與伊沐浴峨嵋原不離西蜀下座浴佛畢復舉藥山與遵布衲浴佛次山云汝祇浴得者箇要且浴不得那箇遵云把將那箇來山休去大眾者箇適來已浴畢如何是那箇一僧云掬水月在手弄華香滿衣師打一棒歸方丈小參僧問處處綠楊堪繫馬家家有路透長安文殊七佛之師爲甚麼出女子定不得師云洲白蘆華吐進云把斷要津不通凡聖罔明初地菩薩爲甚出得女子定師云園紅柿葉飛進云大定等虛空廓然無出入正恁麼時喚甚麼作定師云草淡蛇性悅進云出羣須是英靈漢敵勝還他師子兒師云未放你狂乃云未上堂先上嶺遵古規赴普請擔版歸說法竟無耳人始解領領卽且置作麼生是所說底法道遠近輾破肩疼打拄撐復舉睦州禪師喚僧僧回首艸

1 2 3 4 5 6 7 8 9 10 11 12 13 14 15 16 17 18 19 20

接述

云擔版漢大眾者僧從無始劫擔一片版忽被睦州老漢覲破直至如今不肯放下眾中還有放得下底麼眾默然師驀拈拄杖云你者一隊擔版漢不打更待何時一齊打散歸方丈

晚參九十春光忙裏過百千妄慮靜中消赫興不出那伽內道定尸羅共一條大眾道共定共同具此心心定則諸妄不生心明則諸惡不作所以僧問趙州如何是不錯底路艸云明心見性是不錯底路現前諸公還曾明得自心也未若也明得則終日忙忙那事無妨所以道那伽常在定無有不定時如是則一

切戒門定門慧門一時具足不假外求其或未明祇是忙過一生殊無所益塵勞中人固爲身家兒女浮名浮利忙出家比丘或住菴或入叢亦不免爲口體忙舉世未見有爲生死無常著忙者渢山云無常老病不與人期朝存夕亡刹那異世言念及此則口體可忘身家可棄昔鹽官會下有一主事僧忽見鬼使來捉僧云吾以主院事忙未暇修行容七日後同去何如使云待歸白大王若許卽如命七日後鬼使復來遂尋此僧不見試問大眾七日前來尋得見七日後來爲甚麼尋不見眾下語不契師代云片雪點紅

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8

爐

萬歲牌成行裁汪居士請上堂一人端拱無爲萬國
咸歸至化干戈偃息河海澄清豈不是聖諦第一義
著衣持鉢埽地焚香拵木上高灘塞衣渡淡水衝風
冒雨戴月披星豈不是聖諦第一義乃至紅塵堆裏
火宅頭邊掣斗持衡沽鹽買醋豈不是聖諦第一義
與塵觀得則不離火宅便獲清涼不斷髮鬚高超正
覺三車是甚閒家具八教何異椀鳴聲然雖如是達
摩祖師因甚對武帝云廓然無聖橫按鑛鉢全正令
喝一喝復舉世尊成道後在多林中趺坐有二商

人以五百乘車經過林畔有二車牛不肯前進山神
報言林中有聖人成道經逾四十九日未食汝當供
養商人入林果見一人乃問云爲是梵王耶帝釋耶
幽神耶河神耶世尊微笑舉袈裟角示之商人頂禮
遂陳供養師云釋迦老子無端被山神覲破卻向二
商人面前納場敗闕你道那裏是他敗闕處豎拂子
云禪戛爲頌出梵王帝釋山河神著相耽名慙本真
拈起袈裟如薦得當陽自證法王身

無塵白夫人請上堂僧問第一義諦卽不問今日陞
堂事若何師云驀地喚回霜夜夢舉頭唯見月當空

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8

進云恁麼則萬古晴空絕是非師云利竿頭上仰蓮
心進云祇如古人道萬法本閒唯人自鬧如何是本
間底道理師云青松滿地栽進云恁麼則橫身三界
外獨露萬機前師云放汝三頓棒乃云耆闍山上獻
珠草枯鷹眼疾鹿門寺裏插髻雪盡馬蹏輕所以道
羣靈一源假名爲佛佛既是假名則一切世間僧俗
男女聖凡迷悟乃至山河大地草樹園林悉是假名
回觀四大六根如空中華鏡中像水中月日中影如
是則山不是山水不是水僧不是僧俗不是俗男不
是男女不是女凡不是凡聖不是聖全體卽佛無成

不成全妄卽真無證不證不壞假名而談實相不離
萬派而歸一源正恁麼時歸源一句作麼生道眼中
有翳須挑刮鏡上無塵不用摩昔舍利弗因入城遙
見月上女出城舍利弗心口思惟此姊見佛不知得
忍不得忍我當問之纔近便問甚麼處去女云如金
利弗與麼去弗云我纔入城汝當出城云何言如舍
利弗與麼去女云諸佛弟子當住何所弗云諸佛弟
子依大涅槃而住女云諸佛弟子旣依涅槃而住我
言如舍利弗與麼去若人知得舍利弗月上女二人

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8

換述

去處十二時中動轉施爲無非住諸佛大涅槃若也
未知業識忪忪無本可據大眾舍利弗雖然深入虎
穴爭奈猢猻弄鴉月上女固解倒捏蛇頭正是蠍人
向火大爲順朱填墨未免依草附木翠巖今日向猛
虎口裏奪食去也不居煩惱宅不臥涅槃牀漢地不
收秦不管倒騎驢子下淮揚以拂子擊禪牀下座

古雪喆禪師語錄卷三

古雪喆禪師語錄卷四

住翠巖寺語錄

嗣法門人傳我等編

受建州黃巖寺請上堂師至法座前拈帖云文彩未
彰家音已達文彩既彰弩不頓發弩牙既發且道箭
頭落在甚麼處遞帖與維那云便請維那分明剖露
陞座僧問金風體露消殘暑千里秋江一棹通八字
打開文彩現請師主法紫雲峯未審和尚去卽是不
去卽是師云百尺竿頭五兩垂進云一人有慶兆民
賴之師云長因遠客處憶得別家時進云九萬里鵬

170 1 2 3 4 5 6 7 8 9 180 1 2 3 4 5 6 7 8 9 160 1 2 3 4 5 6 7 8

纔展翅數千年雀便翹翔師云君子可入乃云谿山
千里隔重重逆灘頭一棹通迂取故人歸故國鳥
嚦華笑總春風豎拂云大眾還見故人麼若向者裏
見得則舉足動步無非自己道場瞬目揚眉盡是故
鄉田地一見一切見一明一切明一真一切真一證
一切證住也雲橫幽谷去也雁過長空譬如寶鏡臨
臺無形不鑑鏞鐘在簾有扣卽鳴如是則若去若來
了無朕迹或彼或此豈有乖殊况黃巖古刹原是故
山而白髮高桓扁舟遠至焉敢飾辭固讓理應直下
承當但赴黃巖則違西江道舊住洪井又幸閩嶠來

機到者裏畢竟如何卽是喝一喝云雷音已徧河沙
國南北東西共一家

蕭氏優婆夷禮千佛名經請上堂僧問真風已徧三
千界益色騎聲事若何師云免角杖挑潭底月進云
迦葉峯高則且置向上一句請師宣師云龜毛繩繫
太虛空進云不是堅持冰雪操爭見梅華滿樹新師
云崖州萬里問赤手提臨濟宗風白棒開羣生正眼
四眾臨筵請師垂示師云風竝秋濤急進云太虛寥
廓煙雲盡古澗寒泉徹底清師云不許臥龍蟠進云
恁麼則赤肉團邊孤迥迥去也師云古廟裏師子乃

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

云夫婦之恩可以與知飢則喫飯寒則添衣金風拂
拂玉露乘垂雁飛南浦魚躍漢池當恁麼時無法可
求無罪可懺無佛道可成無生死可斷雖外拄杖跨
跳上天卽不問汝且道龍女手中珠從甚處得來擊
拂云千佛不知何處去蕭蕭黃葉滿庭除復舉趙州
禪師因婆子問弟子是五障之身如何免得州云願
一切人生天願婆娑永沉苦海大眾趙州與麼答話
雖是本分鉗錘爭奈語驚時聽忽有問翠巖五障之
身如何免得但向他道荷盡已無擎雨蓋菊殘猶有
傲霜枝

九日晚參黃華冷笑秋容瘦紅葉暗暝朝露寒不必
登高望鄉國山河百億鏡中觀大眾祇如鏡子破了
山河墮了一雙肉眼盲了兩隻臭腳跛了當與麼時
寸步不能移泰山不能見何況察秋毫登萬仞縱使
絳囊萸酒難釋其災雀筆黃冠罕能自救若向者裏
有箇出身活路去樹樹皆秋色頭頭是故鄉脫或未
然白髮終難變黃金不可成

開爐上堂僧問昔日天童老人道太白山中儘有柴
一株不許収人搬不是老僧多護惜祇要諸人徹骨
寒未審老人還有爲人處也無師云雲迄千峯雨進

1170 1 2 3 4 5 6 7 8 9 180 1 2 3 4 5 6 7 8 9 150 1 2 3 4 5 6 7 8 9 120 1 2 3 4 5 6 7 8 9 100 1 2 3 4 5 6 7 8 9

云正當恁麼時未審是誰家風月師云天寒萬壑冰
進云祇如今日人天普集選佛場開條令斬新如何
施設師云燈籠沿壁上須彌進云恁麼則一拳築破
虛空面佛祖齊敎立下風師云腳跟下與汝三十棒
乃云今冬雖然結制不說第一義諦截斷老胡葛藤
滅卻西來人意爲甚如此達摩師不是祖太末蟲吞
卻虎喝一喝

晚參昨夜驪龍打瞌睡領下明珠曾不祕東海波斯
竊得歸慕地一椎成粉碎驪龍睡眼忽睞開不見明
珠始大哀攬海翻空尋不得誰知祇枉一座該豎拂

云大眾還識驪珠麼擲下云是甚閒家俱

晚參逼人打七大似牽牛上壁將心覓心何殊入海
尋鍼豈不見教中道假使滿世間皆如舍利弗盡思
共度量不能測佛智你輩懵懂禪和二六時中半睡
半醒半真半假要測佛祖妙智洞達本地風光正類
螢火熒須彌且道畢竟如何是佛智庭前種萬草萬
花生火箸火箸長蓮華蓮華結木瓜木瓜纔剖破一
顆大芝麻若向者裏會得許你測佛智其或未然總
是影響之流復舉法眼禪師示眾云見山不是山見
木何曾別山河與大地都是一輪月三爻嵩和尚云

1170 1 2 3 4 5 6 7 8 9 180 1 2 3 4 5 6 7 8 9 150 1 2 3 4 5 6 7 8 9

大小法眼未出涅槃堂三交卽不外見山河與大地
刀錐各自用大眾二大老提持箇事如指諸掌仔細
檢點將來一人事上偏枯一人理上不足有人道得
事理完全句許伊是箇霧利衲僧良久云三冬枯木
秀九夏雪華飛

上堂僧問斬釘截鐵本分提持轉位投機如何舉唱
師云馬頭安兔角進云釋迦峯跨跳上天鉢盂山驀
地粉碎時如何師云牛背刮龜毛進云山前一片開
田地蹋著方知寸草無師云如何是閒田地僧一喝
師云猶未蹋著在乃云翠巖有句話頭不假著意參

求若人直下薦得成佛也是縣疣且道是甚麼話頭
拵拄杖便下座

靈宗化土請上堂赤腳復科頭長年衣糞埽欲飯五
湖僧隆冬賣卻襖如此爲衆心福多享不了更貼
肉衫及時應料掉大眾正當天氣凝寒料掉貼肉衫
子且道如何度日冰河纔談發枯樹亦華開

上堂僧問無心卽是戒如何是無心戒師云野色籠
寒霧山光斂暮煙進云迦葉道倒卻門前刹竿著又
作麼生師云煬帝開汴河進云佛之一字尚不喜聞
今日翠巖因甚爲蛇添足師云你放寶劔在甚麼處

1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

僧擬議師便打乃云禪乃佛心戒乃佛行教乃佛語誦佛語行佛行達佛心便是活佛述佛心壞佛行背佛語便是眾生翠巖今日將佛與眾生縛作一束擲向章江免得諸人取一舍一倚門傍戶不得自由然雖如是倚天長効卽不問你一口吸盡西江時如何可憐敗國亾家恨萬古春風吹不消

安義徐進士王孝廉請上堂首座問錦章遠至聖境高推入廊垂手羣機晉應如何是入廊垂手底事師云覓火和煙得進云卽今四眾圍繞羣英畢集又作麼生與他勘辨師云擔泉帶月歸進云六根未具朕

兆未分還有利生處也無師云秤鉤飛上九重天進云六根已具朕兆已分且道生又如何利師云識得衣珠管取扇風不動進云更有一問請師直答師云認明燈火從他橋水借流行音居士問弟子不會問佛法問句世法時如何師云何得話作兩橛進云化了別人財成就他家事未審自己還有功德分也無師云無功德進云勸人向上引導同流爲甚麼卻無功德師云倚天長効逼人寒禮拜師乃云本來面目離色離聲劫外風光非僧非俗離妻師曠聞見難施張儀蘇秦智辯巨測天地以之覆載日月以之照

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8

臨七金五獄以之崔嵬萬劫千難以之流注草樹以
之扶疎榮暢烟雲以之聚散飄飄君以之協和萬邦
臣以之殷賡王室士君子以之孝弟忠信庶人以之
耕牧漁樵商賈貿販西方聖人以之覩星雪嶠東魯
先覺以之設教杏壇天下宗師以之弘開爐鞠烹佛
烹祖所以道天人羣生類皆承此恩力豎拂云大眾
還識此恩麼若向者裏見得則柳巷華衢無非彌勒
酒樓肉案盡是釋迦夜夜觀星時時成道三大阿僧
祇不離當念百千香水海祇在一塵不來相而來笑
看鐵鋸舞三臺不見相而見猛燄爐中飛雪片如是

則五龍城內達摩峯前不隔纖毫時常覩面豈不見
紫團居士啓中道磬敲螭臥剖五宗未剖之宗風塵
拂鳳棲窟千聖無窮之聖諦大眾卽今塵已拂了磬
已敲了作麼生是未剖之宗風無窮之聖諦喝一喝
云鐵船未泛龍江上寶月先輝雁塔前昔龐居士參
馬大師問不與萬法爲侶者是甚麼人馬大師云待
汝一口吸盡西江水卽向汝道龐於言下大悟大眾
馬大師游刃磅礴目無全牛龐居士葉落知秋動絃
別曲今日忽有問翠巖不與萬法爲侶者是甚麼人
但向他道待汝推倒五老峯卽向汝道要爲頌出滄

0
170
1
3
2
4
7
8
10
180
1
3
2
4
7
8
10
150
1
2
3
4
5
6
7
8
9
10
11
12
13
14
15
16
17
18
19
20

三

卷之三

江歲晚問關津野水連天不見人不是一回親吸盡
爭明浩浩劫前春

除夕上堂僧問一年已盡是夜將除衲子家風如何
通信師云松敍半巖雪進云怎麼則天上年光回北
斗人間春色報南枝師云竹覆一谿冰進云祇如古
人活剥泥牛與大眾分歲翠巖者裏又作麼生師云
薄剗明月細切清風乃云一歲幾終星回斗轉四時
迭易月冷風高若向月冷風高處薦得則百怪自消
不假大儻旁磔若於星回斗轉處薦得則一物常靈
誰更貪生惜死所以道有物先天地無形本寂寥能

爲萬象主不逐四時凋旣不逐四時凋卽今臘盡春
回時如何擊拂云無言童子笑呵呵昔龍牙禪師因
僧問二鼠侵藤時如何牙云須知有隱身處始得僧
云如何是隱身處牙云還見儂家麼大眾九重深密
水渫不通還他龍牙老漢若是翠巖卽不然忽問二
鼠侵藤時如何但向他道城上已吹新歲角腮前猶
點舊年燈更爲頌出侵藤二鼠叩龍牙見得儂家路
轉差何似寒梅淡雪裏一年一度一開華

轉差何似寒梅淡雪裏一年一度

開華

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

接起

禪進云金鳳穿林過曇華市地開師云春到不萌枝
進云空裏忙忙書卍字錦上鋪華又一重師云火中
突出金師子進云爲復是神通妙用爲復是法爾如
然師云一聲哮呴震乾坤進云學人到者裏只得兵
隨印轉去也師云矮子泥壁乃云正法眼藏春色來
青嶂涅槃妙心晴光轉綠蘋實相無相社舞却歌原
野上微妙法門兜樓畢力正氤氳祇如世尊拈華迦
葉因甚卻微笑看鐵迸出遼天鶴喝一喝
上元上堂僧問自從少室燈傳後續談聯芳滿大唐
如何是續談聯芳底事師云瓮中道士乾坤闊進云

與麼則森羅及萬象一法之所印師云十影神駒立
天涯進云昔日臨濟太師有箇三玄三要底句今當
人天教前請師指示師云次第問將來進云如何是
第一玄師云崖前石虎抱兒眠如何是第二玄師云
九曲黃河徹底乾如何是第三玄師云搏桑人種陁
西田如何是第一要師云遼空飛木鵠如何是第二
要師云機前擒虎豹如何是第三要師云扇子高跨
跳進云如是則千峯勢到嶽邊止萬派聲歸海上消
師云閒言語乃云喚作竹籠則觸萬象森羅常滿目
不喚作竹籠則背聾盲瘡瘻成羣隊觸不得背不得

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8

猛燄爐中光烜赫不得有語不得無語又作麼生日
頭正畫打三夏

晚參蛇戀穴固是不堪評品撩起便行亦非後人
模範衲僧家母固母必母取母舍可行則行可住則
住其住也不離寶華王座徧現天上人間其行也歷
盡塵沙利海依然不出戶庭且道衲僧家有何長處
得如是自在擊拂云自從舞得三臺後拍拍元來總
是歌昔文殊師利菩薩問維摩居士云菩薩於生死
有畏當何所依士云當依如來功德之力殊云菩薩
依於如來功德之力當何所住士云當住度脫一切

眾生大眾維摩居士固是古佛再來遊戲生死海中
隨類度脫得大無畏祇如文殊是會了恁麼問不會
恁麼問若道是會了問既是會了又問作麼若道是
不會文殊爲七佛之師焉有不明此段道理者裏著
得隻眼便見文殊維摩同院無異土昨熊少宰來書
云客冬因大襄勞頓不及赴參請之末質問疑義特
寄淨資設茶供眾兼命茶話大眾卽今茶已喫了話
已說了還有疑情頓釋底麼知音不在頻頻舉達者
還須暗裏驚

退院上堂斬新法椅舊堂頭退鼓何緣響未休短杖

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述

欲敲閩嶠月不徒懷土事閒遊寂寞中還有共相出手
底麼問答敘謝畢復云承乏三年已過期葛藤延蔓又牽
枝如今剪斷枝和蔓一任狂風上下吹且道還有吹
不動底麼自云有如何是吹不動底拈拄杖下座便

行

熊少宰陳司理洎通郡合山諸護法者舊等畱師再
住翠巖上堂重重主伴聚谿頭同德同心固挽留旣
是業緣猶未了何妨添餌再拋鉤衝浪金鱗自知時
節追風良驥豈枉加鞭但能唱拍相隨自然聲和響
順不唯宗風不墜且使法社恆新是故世尊說法梵

王帝釋天子大臣爲之啓請長者居士爲之布金植
樹文殊普賢目連鶯子諸大士爲之贊襄法化十方
諸佛爲之出廣長舌吐微妙音互相激揚互相贊歎
俾一切博地凡夫未信者信未證者證未解脫者令
得解脫未滅度者令得滅度然在釋迦老子及諸大
士分上原無尊卑優劣亦無佛及眾生等見所以道
滅度一切眾生實無眾生得滅度者大眾旣無眾生
得度祇如千聖出興當爲何事還會麼不因紫陌華
開早爭得黃鸝下柳條敘謝畢復舉黃龍南禪師退院
歸示眾云去時一谿流水遠歸來滿谷白雲迎一身

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8

去住非去住二物無情似有情大眾黃龍老人卷舒無礙得大總持卽且置祇如現前諸公爲畱山僧歸寺往往來來去去住住那箇是非去住底乃起立鞠躬云孟春猶寒恭惟護法耆舊起居多福下座

解制上堂僧問兩堂共聚究無生幾箇曾親悟現成條忽一期今已滿請師方便示羣情師云厚翳未曾落毛輪焉得消追云鴻鵠衝雲漢何處不逍遙師云走煞闍黎乃云仲春朔寒梅漸逐香風落桃華李華相次開靈雲驅眼俄驚覺謝三郎諾不諾等閒拋脫岸邊椿南北東西隨處泊然雖如是忽遇白浪滔天

時如何擊拂云幾度黑風翻大海未曾聞道釣舟傾復舉應菴遠祖示眾云三十三州七十僧驢腮馬面得人憎諸方若臭羅龍手今日無因到淨明翠巖續貌亦有一偈十三郡縣百餘僧寒餓同甘絕愛憎百結疑情如頓息團團夜日自明

佛誕熊少宰請上堂形與未質白淨王宮初誕日名起未名天人殊號幾經更大眾且道形名未兆以前者一著落枉甚麼處豎拂云還見麼若向者裏委悉得則無期不現隨處稱尊迭爲主賓互相唱和若狂法王法王中尊若狂人王人王中尊若在宰官宰官

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

中尊若在長者居士長者居士中尊若在天人天人
中尊雖非天非人而能天能人非佛非祖而誕佛誕
祖所以道天上天下唯我獨尊大眾還見我麼優闐
雕不得顧陸西難成復頌云鋸解秤錘分兩段驢拖
三腳到淡宮不須更問如何是優鉢羅開烈燄中
其旋葉居士懺報母齋請上堂僧問無依道人是諸
佛之母三世諸佛從之受生如何是無依道人底體
師豎拂云見麼進云恁麼則知恩有分師云作麼生
是報恩底句進云粉骨碎身未足酬一句了殃超百
億師云刹頭上仰蓮心進云謝師證明師乃云齋

戒沐浴三聖同倫惡殺好仁千賢共轍是故成湯之
網仲尼之釣子堅終身蔬食德及魚羊隋侯親獲夜
光恩沾蛇虺一鉢和羅飯聖僧現在母陞淨域九旬
忉利天說法至今語播人間所以道大孝釋迦尊歷
劫報親恩果能擴此一點孝思非但可以報罔極酬
乳哺卽超凡入聖脫歟了生恢恢乎游刃有餘地昔
育王太子禪師示眾云諸人從無始以來飲乳如四
大海水積骨如毗富羅山那箇是諸人最初底父母
大眾大千老漢卻似對萱親覓阿娘然雖如是知恩
者少諸人要見最初父母麼玉容寂寞倚闌干梨華

1 2 3 4 5 6 7 8 9 180 1 2 3 4 5 6 7 8 9 150 1 2 3 4 5 6 7 8 9

接連

古香齋詩集卷之四

一枝春帶雨更有一偈舉似大眾積骨逾富羅飲乳
若滄海最初父母顏毫髮不曾改葉公知此恩疏食
週六載正值聖人生千祥如霧靄命我說伽陀萬峯
齊喝采母子常不離芙蓉綻埃塏喝一喝下座

天中節張不空居士請上堂僧問門縣雙艾虎五毒
已全消應時及節一句請師直道師云翠竹籜分青
嶂裏進云怎麼則人人有分去也師云黃鸝聲老綠
楊中進云天童老人豎起拳云祇將者箇粽子供養
大眾和尚又作麼生師云滯貨不勞拈出乃云空山
寂歷杳絕煩囂鼉鼓未嘗誼龍舟不聞競祇見秧鍼

刺木老農廢陌上之歌櫛火噴空白鷺墜炎天之雪
誰管社賓節居禁足時臨但見殿閣風涼杉松月冷
當恁麼時好箇太平氣象無端突出三閭大夫道舉
世皆濁我獨清眾人皆醉我獨醒翠巖隨聲一喝云
住住眼華作麼大眾三閭若知得者一喝底落處便
可和其光同其塵忘得失喪我人免得汨羅江上抱
石自沉直至如今無出身處諸人還知出身處麼擊
拂云但得香蒲浮茗碗不須角黍膾人牙
結夏上堂僧問夏雨連綿落當陽細指陳何當重禁
足特地鼓埃塵師云金烏吞玉免幾箇是知音進云

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

怎麼則聖凡無異路權引有多門師云画龍焉能致
雨進云爭奈波底月明天不夜爐中香靄室常春師
云易開終始口難保歲寒心問火雲初布爐鞴重開
消息分明請師舉示師云門前八字牆進云直透萬
重關去也師云放汝三十棒問如何是佛師云破草
輶乃云翠巖今日結夏不論寅昏晝夜逼得無位真
人箇箇通身汗下大眾且道無位真人還有身也無
晚參一期又過一七衲僧須自著急莫待老病龍鍾
仰天揮淚無及所以道少壯不努力老大徒傷悲眾
兄弟不用悲丹朱元是帝堯兒

上堂僧問臨濟大師示眾有三句如何是第一句師
云猛虎當途踞如何是第二句師云貓兒倒上樹如
何是第三句師云秤錘生鐵鑄進云恁麼則學人薦
取去也師云你向那一句中薦得進云橫按鎔錚全
正令佛祖從敎立下風師云且緩緩問南泉斬貓卽
不問趙州戴草輶明甚麼邊事師云春來草自青乃
云眉毛眼睛常在一處各不相見雖然不相見彼此
不隔綫衆生諸佛常共一屋各不相知雖然不相知
晝夜未嘗離如今有等鹵莽禪和聞翠巖與麼提持
便點胸點脇道我會也忽若鍼眼魚吞卻四大海瘦

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

蟲子踢倒須彌盧又作麼商量喝一喝云簾疎月
到牀復舉鹽官安國師因僧問如何是本身盧舍那
安云與老僧過淨缽來僧移淨缺至安云卻放舊處
著僧移至舊處復問如何是本身盧舍那安云古佛
過去久矣師云國師婆心片片未免指鹿爲馬者僧
只解移缺度水不覺放光動地諸人要見本身盧舍
那麼拄杖便下座

晚參四方戎馬雜沓老幼逃竄紛紛唯有溪山窮谷
理亂付之不聞既是理亂不聞正好商量此事昔藥
山禪師因高沙彌參山問甚處來高云長安來山云

我聞長安甚鬧是不高云長安雖鬧我國晏然山云
你還從請益得從看經得高云也不從請益得也不
從看經得山云大有人不請益不看經爲甚麼不得
高云不道他不得祇是不肯承當大眾承當二字在
諸人分上大似土上加泥雖然如是不因柳毅傳書
信何緣得到洞庭湖翠巖門下承當底固不少祇是
不敢問大眾既肯承當爲甚麼不得毫釐有差天
地縣隔

上堂僧問鼓聲纔罷海眾雲臻覲面相呈請師的的
師云無毛鷁子貼天飛進云昔日臨濟大師示眾有

四喝請問如何是一喝如金剛寶劔師云佛祖亦不留如何是一喝如踞地師子師云野狐爭敢近如何是一喝如探竿影草師云你是黑漆桶如何是一喝不作一喝用師云千山絕點埃如何是向上事師便打乃云小暑六月節天道向東行蟋蟀走上壁腐草化爲螢况值月初滿日干又上吉沐浴裁衣經絡開市栽種牧養件件皆宜祇是不宜瞌睡所以孔夫子道朽木不可雕也糞土之牆不可朽也拄杖子聽得山僧作如是說出來道長老寶華座上須是與人抽針拔楔何得一味世諦流布山僧隨聲便喝云你者

亥木頭曉得箇甚麼豈不見我本師和尚云龐言及細語皆歸第一義大眾要見第一義麼歸堂去晚參園頭近上李子一雙山僧不敢偏眾獨享有二語問大眾若道得相當與你平分若道不得山僧依舊偏眾去也古人道瓜田不納履李下不整冠枉衲僧門下明得甚麼邊事一僧云百華叢裏過一葉不沾身一僧云阿誰欠少師皆不諾一僧請代師云偷心亥盡眼麻迷石女夢中毛卓登

晚參一七二七無眠失食盡力追尋杳無消息有消息鼻孔眼睛都打失大眾正當打失時如何一僧云

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

通身慶快師云你見箇甚麼道理僧擬議師便打
中元解制請上堂僧問一著高一著一步闊一步高
峯勢到獄邊止萬派聲歸海上消師云轉身一路作
麼生僧一喝師云三喝四喝後如何進云一句全提
無少剩師云未在要道進云今日曾居士遠來設齋
薦拔一句作麼生師云徧界獨露進云全憑一句無
生忍効樹刀山勢自摧師云重說偈言問聖制告園
卽不問報本追親事若何師云野水瘦時秋潦退進
云本來真父母佛眼覩不見和尚還見不師云白雲

斲處舊山寒進云怎樣則曠劫椿萱恩已報不須重
誦蒙我章師云霧利衲僧一撥便轉問九旬禁足卽
不問大鵬展翅事如何師云非汝境界進云扇竭滄
溟無滴水森森露出珊瑚枝師云信你不及乃云四
五年來江西浙東撥草瞻風已得大死底禪客并現
前檀越所薦慈母今日一箇箇教伊活且作麼生活
豎拂云無陰陽地華重發兩三箇月晝參夜參廢寢
忘餐未得大死底禪客今日一箇箇教伊死且作麼
生死擲拂云萬象森羅無可觀大眾要識大死底人
麼卽你本來母是要識大活底人麼卽你嫡骨兒是

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8

而今有等活了死不得底往往認賊爲子正所謂抛卻甜桃樹沿山摘醋梨又有一等死了活不得底未免滯殼迷封譬如困魚止灤鈍鳥棲蘆要得子母團圓死活一致麼翠巖要煩木上座爲汝念一道無盡藏真言去也卓拄杖下座

晚參西天結夏原爲禁足護生此土起期祇貴明心見性卽今一期已滿各自思量還曾明得心見得性也未若真箇見得自性則無生可護無足可禁無夏可結無制可解出沒卷舒盡在圓覺伽藍之內殺活縱奪全歸當人掌握之中所以道護生須是殺殺盡

始安居會得箇中意鐵船水上浮大眾且道鐵船水上浮是殺耶是活耶一僧云章江波底紅塵起西山頂上浪華生師云且道龐公卽今在甚麼處僧云覲面相呈師打云也少你一棒不得

因事晚參舉寶壽和尚會下有僧參父母未生前本來面目話久之未有省發一日作街坊聞一人相毆云你得恁麼無面目豁然頓悟歸呈所得壽印之師云目前箇箇是有面目底那箇是無面目底眾下語不契僧請代師云老漢也須喫一頓始得

師四十眾請上堂僧問滿園芳菊移黃金闌海泥牛

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

誕活麿攬得白峯峯頂月祥光耀處淨無塵四眾臨
筵願聞慶贊師云空中尋鳥迹進云徧界雖無著眼
處分明一點座中圜師云興化道底乃云與佛同年
生生平好罵佛佛法渾不諳世法又混濁大眾既不
通世法又不諳佛法如何敢罵佛喝一喝云大千沙
界海中漚一切聖賢如電拂

九日張不空居士請上堂僧問威音已前輝天鑑地
未審以何爲證師云山峻石頭高進云不惑之後耀
古騰今如何保任師云地肥茄子大進云趙州七百
甲子寶掌千歲春秋祇如無位真人壽年多少師云

蘇州有杭州有進云恁麼則腹裏嬰兒頭似雪巖前
石虎咼如雷師云借人面具舞三臺乃云有生有滅
識銅情封無滅無生澄潭止水直得兩頭俱坐斲一
法不當情猶是歧路邊事到家一句作麼生道採菊
東籬下悠然見南山復舉龐居士偈云易復易卽此
五蘊有眞智十方世界一乘同無相法身豈有二大
寂你看者俗漢子被馬大師鈍置一上便能廓清五
蘊吞盡十方諸人要見無相法身麼竹馬纔離步霜
華又到頭

授戒晚參參禪不受戒騃驥蹠先壞受戒不參禪秋

月暉雲烟禪戒俱不明生生墜火阤禪戒俱透徹與
佛何殊別慕豎如意云大眾還見佛麼若向者裏見
得則禪即是戒戒即是禪自無偏枯之弊豈有先後
之殊若是中下二機未能直下領畧必先受戒以約
身心然後參禪以開知見知見既正則不被一切境
界之所搖動所以道心縛於境界覺想智隨轉無所
有及勝平等智慧生大眾且道如何是平等智慧撫
几云雨催燕子歸巢疾風撼桐花落檻遲

古雪喆禪師語錄卷四

古雪喆禪師語錄卷五

嗣法門人傳我等編

住翠巖寺語錄

熊少宰陳司理等爲師四旬入山設供請上堂僧問
法王法誕喜重逢台旆聯翩陟梵宮萬指臨筵齊側
耳祈師一語壽寰中師云北斗面南看進云恁麼則
瑞草生嘉運林華開早春師云鐵笛橫吹宇宙清進
云直得迦葉峯頭祥霧起鉢盂山畔慶雲生師云眾
宰輔證明進云少宰壽章中道天童懷嫡乳白法豎
宗風未審嫡乳在甚麼處師豎拂子進云恁麼則處

1 2 3 4 5 6 7 8 9 180 1 2 3 4 5 6 7 8 9 180 1 2 3 4 5 6 7 8 9 180 1 2 3 4 5 6 7 8 9 180 1 2 3 4 5 6 7 8 9 180

處逢彌勒門門遇善財師云放汝三十棒乃云年登彌仕一無成崔髮催人兩鬢生何意文星耀寒谷松杉深處降台旌台旌既降翠竇增輝曲彖高陞合談何事若說忘形歟心正是枯椿繫癩馬戛或行棒行喝何殊操瑟立齊門到者裏畢竟作麼生卽得豎拂云見麼一處真千處百處一時真一處見千處百處一時見譬如師子之毛無一莖不是金色栴檀之木無一片不具幽香在天而天中高明在人而人中尊特在朝而朝無弊政在野而野無怨言乃至紅塵堆裏鬧市頭邊若俗若僧若男若女一一天真一一明

妙戛無毫髮隱覆祇貴直下承當所以道若人見幻本來真是則名爲見佛人圓通法法無生滅無滅無生是佛身大眾要見佛身麼年年驂野雀踢破嶺頭雲復舉裴相國遊洪州開元寺覩壁間所画高僧像遂問黃檗禪師云儀容可觀高僧何在檗呼裴休裴應諾檗云高僧何在裴當下大悟師云黃檗固是作家爐鞠善能點鐵成金裴相國不昧夙因等閒一撥便轉諸人還知二大老鋏芥相投處麼卓拄杖云幕地喚回霜夜夢擡頭唯見月當空
獨尊上座請上堂僧問空劫以前本自無生無生卽

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述

不問預慶事如何師云一片月生海幾家人上樓進
云此猶是學人疑處直截一句請師道師云白鼻崑
崙舞柘枝問四十年來諸惑盡高提白棒指羣迷指
迷法要願垂慈示師云明月蘆葦君自看進云恁麼
則兩頭俱坐斷八面起清風師云十八灘頭鳥作窠
進云人人咸和無生曲願祝吾師壽萬春師豎拂云
者箇壽年多少進云與水牯牛同春師乃豎拂云大
眾見麼三世諸佛向者裏示現受生分身百億移華
兼蝶至歷代祖師向者裏垂絲擲釣拋三放兩買石
得雲饒翠巖到者裏畢竟如何施設不入洪波裏爭

見弄潮人

中旭者宿送僧伽黎至請上堂僧問千佛送袈裟慶
世尊之成道者衲呈法服祝和尚之遐齡未審其中
事是同是別師云千華叢裏一華新進云可謂今古
應無墜分明在目前師云刹竿頭上風車子僧禮拜
師乃云金色伽黎異樣精綫行畦路似生成披來獨
踞華王座說法分明不是聲既不是聲所說底是何
法還有證據得底麼若證據得便見得一切色是佛
色一切聲是佛聲夢幻泡影全體無生涅槃妙心當
陽顯露所以道塵說刹說熾然說無間歇既無間歇

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

因甚十箇到者裏有五雙不聞委悉麼劍閣路危終
易度趙州關險實難行復舉阿難問迦葉尊者云世
尊傳金襴袈裟外更傳何物尊者呼阿難難應諾尊
者云倒卻門前刹竿著大眾推倒卽易扶起卽難翠
巖今日爲阿難扶起刹竿去也卓拄杖一下喝一喝
下座

諸郡化士歸上堂敲徧千門萬戶戴月披星奔走四
海五湖衝寒犯暑忘軀爲法堪作典型垂手入塵是
大化主寂生慳囊既破衲僧功行齊園所以道爲人
如爲亡身彼此事辦正恁麼時自他兼利一句作麼

生道數點方外雲幾處人間雨復舉黃龍南禪師因
化主歸上堂世間有五種不易一化者不易更有一
不易三變生爲熟者不易四端坐受食者不易二施者
一種不易是甚麼人良久云聾便下座大眾黃龍祇
知有難不知有易翠巖卽不然世間有五種不難作
麼生是化者不難隨色摩尼耀膽寒作麼生是施者
不難泥彈博將金彈丸作麼生是受者不難谿壑同歸滄
海寬且道第五種不難又作麼生黑華貓子面門斑
香城請上堂借順公法座展太白家風誰解當機互

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

拾遺

相酬唱僧問眾僧塔樣卽不問如何是無縫塔師云
鐵蛇鑽不入進云既是本無縫罅爲甚今日始得合
卻頂子師云不因夜來雁爭見海門秋問古鏡重開
順翁法席仍舊浮屠圓頂翠巖機用斬新斬新句子
乞師垂示師云山空雲自在進云怎麼則含靈俱有
賴無處不騰輝師云天淨月孤圓問慈風普扇眾靈
歸宰堵波中翠竇重輝徧界立達摩峯下因甚又離
寶所特降香城師云戶外竹敲千嶂月進云臨濟正
宗委枉和尚因甚正法眼藏向瞎驢邊滅卻師云覩
而有機人不薦問白雪谿頭古道場多年箇裏絕商

量今朝喜見金毛現不審如何爲舉揚師云聲前有
路超今古進云如何是無縫塔師云適來已道過進
云如何是塔中人師云鼻孔無半邊乃云空華落處
洞無痕誰解生前究此源雲裏堵波新露穎直令枯
骨盡沾恩大眾兵戈之後處處白骨徧野目擊悽然
生無所託死無所歸此等蓋爲生時唯貪世樂沒後
不免沉淪及至禮骨鞭屢遲了八刻我輩衲僧家高
蹈世表不與物移名利不干懷得失不爲念生則以
叢林爲家死則以普同爲塔旣無暴露之慘又無凍
餓之憂正好向百骸未散之前究取本源一著便見

六道四生生生死死苦樂逆順皆如空華都無實有
昨來請啓中道搐鼻示人久歇壩中師昞點胸躡嶺
重聞天外龍吟豎拂云大眾卽今順婆婆與眞點胸
同在山僧拂子頭上作大師子听了也諸人還聞麼
其或未聞不免再打葛藤一上要知此事便如造塔
一般雖是現成山水現成石頭若無青鳥選擇巧匠
琢摩終不能成始自開基定向終至疊石合鐵方是
歇手時節我輩學道亦然本源佛性雖是現成若不
遇明眼宗匠指點琢摩終成廢器始自腰包行腳撥
草瞻風終至因地一聲方是合鐵時節非特我輩爲

然卽從上佛祖及天下諸善知識各各有一段合鐵
時節正恁麼時如何是合鐵底句一點鋒鉸露千峯
瑞色新昔有僧問古德如何是無縫塔德云囫圠
翠巖卽不然或有問如何是無縫塔但向他道一層
山石一層灰如何是塔中人團圓相對坐共語不知

開爐上堂一住谿頭寺五開沒燄爐誰是銅頭客當
機抒虎鬚僧問庫樓新就七尺單成箇箇剔起眉毛
明明諸佛同體請問如何是諸佛底體師云石碩土
塊乃云打開自己庫藏一物渾無運出自己家珍受

1 2 3 4 5 6 7 8 9 10 11 12 13 14 15 16 17 18 19 20

撰述

卷之三

用不盡三世諸佛受用不盡歷代祖師受用不盡一切眾生受用不盡既是受用不盡因甚一物渾無者裏薦得石頭土塊盡是精金脫或未然玉殿瓊樓翻成茅草正恁麼時爐鞴弘開轉丸成聖一句作麼生道萬機休歇無餘事正是心空及第時

上堂僧問倒握烏藤乃佛乃祖之宗綱已振安居半月鍛聖鍛凡之爐鞴且精祇如非聖非凡非佛非祖又作麼生師云百尺竿頭舞柘枝進云恁麼則道泰不傳天子令時清休唱太平歌師云須彌因甚倒卻一角僧擬議師云未明三八九不免自沉吟進云承

師有言庫藏揭開萬疊銀山成粉碎祇如銀山粉碎是者邊事那邊事師云海枯終見底進云向上還有事也無師云有進云如何是向上事師云今日不打閻黎進云家珍運出一莖青草現瓊樓祇者一莖草內甚如此奇特師云大地無人識進云祇知樵子徑那曉鳥道行師云直饒行鳥道終未達其源乃云山僧近來咳嗽肌膚未老先皴無力日望五參一句與君說透且道是那一句咳嗽一聲便下座

觀初禪人請上堂僧問禪律並開人天普會共作之要尸羅爲先尸羅卽不問如何是恁麼事師云十八

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

接連

灘頭鳥作窠乃云千里百里擔囊負鉢皆是爲戒而來其奈翠巖無戒可授三年五年摩禪擦綺皆是爲法而住其奈翠巖無法可傳既無戒可授又無法可傳今日登壇憑何利物豎拂云四角團關無底鉢當陽拈出莫遲疑

愿海旋汎四禪人請上堂愿海旋汎修淨供供養四海僧伽眾承茲勝行滌前愆烈燄爐中飛彩鳳喝一喝

靈峯不立耆舊三週忘志充禪人請上堂修身慎行保全髮膚菽水承歡左右奉養是人子事親之孝方

袍圓頂執侍巾鉢無思不服唯命是從乃弟子事師之孝且道衲僧家以何爲孝嚮喝一喝云若明得者一喝落處則無恩不報無德不酬脫或未然聽取葛藤妙性圓明離諸名相本來無有世界眾生因妄有生因生有滅生滅名妄滅妄名真釋迦老子爲汝諸人一槌粉碎了也試問大眾既是無有生死爲甚不立者舊化去三年影也不見豎拂云還見麼祇憑此段真消息戴角披毛徧刹座

體幻禪人等偕普明尼請上堂僧問傾囊敬飯五湖僧不待金牛喚始明法令已行三界外請師一語示

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9 200

無生師云空中騎鐵馬進云渠儂盡是英靈漢爲甚
轉身不得師云被底放風箏乃云苾芻苾芻尼求戒
復求法弟兄十二人人人不欠乏旣不欠乏復求何
事沙囊如未開桮蛇難自吐

成道日開大鍋請化主慕大殿兼謝何介甫居士齊
上堂僧問靈峯親坐斷萬象寂無形正眼從茲豁誰
看中夜星師云玉華墜處山河隱進云始本原不二
悟境何多門師云金錫敲時虎豹驚進云恁麼則掀
翻海獄求知已撥亂乾坤見太平師云古廟裏師子
乃云夜半覩星悟道鍋是鐵造毫端現寶王刹千重

百市種穀決不生粟介爾景福且道各化一方有何
所長鐵船款乃泛滄浪

打七晚參七日便要悟道一鋤便要空井井深必假
工成道近刹那可省且道省後如何雪覆萬山寒孤
峯仍露頂

除歲大覺和尚寄天童先和尚頂相至上堂巍峩頂
相干聖難窺赫奕威光萬靈叵測一一騎聲益色頭
頭邁古超今徧現百億州都了無蹤迹歷盡塵沙歲
月杳絕春秋若非嫡骨兒孫爭解全身描出大眾大
覺法兄以至公無我之手眼描得至尊無上之面目

毫髮無差遠寄西江以表同門法印適來迎笑堂中
已自當陽展示諸人還曾親見也未若也見得親切
便可遐暢先宗扶衰起獎其或見刺未抽不免重重
指註遂展手云見麼人生相識貴知音水入水今金
博金泗洲聖向揚州現鐵樹華開香滿林

歲朝大雪恆輝知浴五旬初度請上堂僧問元正啓
祚萬物咸新斬新條令卽不問如何是本來父母師

云恆輝徧界進云如何是現在父母師云徧界恆輝
進云如何是未來父母師云箇箇絕囊藏進云三世
父母蒙親指報恩一句請師宣師云一枝梅綻萬家

春進云恁麼則萬邦歌舜化千古樂躉年師云祇知
白雪寒侵骨誰信紅爐凍殺人問新年頭佛法卽不
問尼父因甚五十猶學易師云春風初解凍乳燕漸
歸巢進云如何是易師云太極收不得乃云父母未
生前恆輝徧界父母旣生後徧界恆輝與麼見得便
知四十九年無非可斲百千萬歲無壽不延是故賢
聖生時瑞雪慶雲常現象龍所至深淵峻石俱靈然
雖如是欲明石裏無瑕玉須薦生前不老人卓拄杖
下座

晚參若論此事譬如野火燒山一般星星之火順風

1 2 3 4 5 6 7 8 9 180 1 2 3 4 5 6 7 8 9 180 1 2 3 4 5 6 7 8 9 180 1 2 3 4 5 6 7 8 9 180 1 2 3 4 5 6 7 8 9 180

一吹縱使萬壑千峯枯枝腐草一時鞠爲灰燼且道
燒盡後如何青山依舊白雲中

上元留兩序兼薦玉菴承公上堂燈月交輝未爲眞
照主賓互換方見作家若非異日超宗爭解同生同
死所以建大廈非一木之能濟巨川非一人之力然
靜久思動人之常情去去又來叢林通例且坐斲去
來不涉動靜一句作麼生道擊拂云棒頭喝下承當
得徧界無非碧玉菴

晚參一期曾未竟心識已紛飛壁角抄方語閒房話
別離曲談猶夢夢直指謗孜孜珍重參玄客精神莫

浪施復舉芝禪師上堂云翠巖路險巇舉步涉千谿
要有洪源水滔滔在嶺西師云山僧卽不然翠巖路
坦平南北任君行誰信鼓鐘石朝夜夜鳴

解制上堂昨日有人從河北來卻得江西信說道西
山頂上去冬凍折一株老松厭倒五百人家屋子今
春鐵樹宮前又被人偷去一員古井唯有杏華邨裏
無底草蹊甚賤一分買得一雙諸人明日出山去各
須買取不得忘卻便下座

涅槃上堂僧問未離兜率降王宮處處巖花綻曉風
向道如來原不減雙林何事去匆匆師云竹密不妨

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

流水過進云恁麼則石火電光追不及大千沙界現全身師云如何是世尊底全身僧彈指師云且莫認奴作郎問毘藍初誕已顯本具之尊雙樹言歸直示無生之體請問如何是無生之體師云遲日江山麗進云九天雲影淨遍界悉清輝師云瞎老婆吹火乃云毘藍園裏不曾生雙林樹下何曾滅祇此不滅與不生便是眼裏黃金屑所以世尊道若道吾滅度卽非吾弟子若道吾不滅度亦非吾弟子畢竟如何到江吳地盡隔岸越山多復舉秦跋陀禪師問生法師云法師講何經生云涅槃經陀云如何是大涅槃生

云涅而不生槃而不滅不生不滅是涅槃義陀云者箇是如來涅槃那箇是法師涅槃生云涅槃之義豈有二耶某甲祇如此未審禪師如何陀豎如意云見麼生云見陀云見箇甚麼生云見禪師手中如意陀將如意擲地云見麼生云見陀云見箇甚麼生云見禪師手中如意墮地陀云觀公見解未出常情何得名喧宇宙生不能加答大眾生公說法能使頑石點頭因甚向跋陀面前重重納敗益見画餅不可充饑敵勝還他師子敢問現前大眾如何是大涅槃眾下語不契乃云諸人要見大涅槃麼雨洗淡紅桃萼嫩

9 10 1 2 3 4 5 6 7 8 9 180 1 2 3 4 5 6 7 8 9 150 1 2 3 4 5 6 7 8 9

風搖淺碧柳絲輕下座

結夏上堂僧問三月安居泥裏洗土勦絕一句作麼
生道師云雨花橋畔水今古向東流進云莫是他也
身立命處麼師云逐逐駕駘步且非師子花進云龍
得水時添意氣虎逢山勢長威獐師云方木逗圓孔
乃云疾風暴雨來滿庭水灑灑不必再三請我自登
曲彖中途不許停古廟不許宿授斲虛空筋舌頭原
是肉喝一喝復舉龐居士偈拈云護生須是殺尼寺
覓胎髮殺盡始安居枯椿繫老驢要會箇中意泥蛇
敵鼈昇鐵船水上浮熱處冷颼颼大眾龐公葛藤已

爲汝等勦絕了也還有直下知歸底麼脫或未然九
旬策起雙眉看一點疑消萬法通

端午上堂僧問天童先和尚云到底輸卻自家寶如
何是自家寶師云持燈覓火人無數進云一刀斫盡
虛空時如何師云你刀子在甚麼處進云禮拜去也
師云口銜羊角乃云五月五是端午河下競龍舟鄉
間纏角黍往來今古人歲歲常如此衲僧家越今古
日夜不曾眠趁期超生死且道生死作麼生超擊拂
云懸崖撒手後遍界赤條條復舉天童山翁和尚因
僧問人間此日划龍舟鼉鼓聲聲競碧流林下道人

卷之三

昌黎詩集卷五

無別事請師顯露箇宗繇山展拂子僧云恁麼則覲
面無私去也山云刺瞎汝眼大眾覲面無私近來禪
和箇箇會說刺瞎汝眼十箇有五雙茫然試問大眾
拂子在山翁和尚手裏不曾動着纖毫因甚卻刺瞎
者僧眼若也會得盡大地無一纖毫過患若也不會
直須到西天問取阿那律

晚參武寧細茶是化來供叡底進賢黑豆是供山僧
底供養山僧底大眾有分供養大眾底山僧亦有分
山僧與大眾非二亦非一眾中未得入頭底直須薦
取山僧已得入頭底須向大眾邊會取卽今茶已飲

了豆已喫了大叡邊事且置祇如山僧終日與諸人同行同住同坐同起還有親見山僧面目底麼試出來說說看一僧云武寧細茶師云武寧細茶與山僧面目有甚交涉僧云有水皆含月無山不帶雲師以如意連打兩下

上堂禁足半閱月足不離地走赤肉圍邊無位人汗珠日落兩三斗大眾無位真人本無相貌因甚卻有汗出還知麼月色和雲白松聲帶露寒昔臨濟祖師上堂云汝等諸人赤肉圍上有箇無位真人常在面門出入未證據者看看時有僧問如何是無位真人

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

濟攔胸擒住云道道僧擬議濟拓開云無位真人是甚麼乾屎橛長沙和尚聞之乃云萬法一如不用揀
一如誰揀誰不揀卽今生歟本菩提三世如來同箇
眼大眾二老盡力提綱爭奈時流不免錯認互說異
端所以差以毫釐失之千里翠巖也下一着要與二
大老相見卓杖云猛虎敵大虫泥蛇吞鼈鼻

上堂僧問把住則黃金失色放行則瓦礫生光不逐
四時洞不落聖凡數底來未審把住卽是放行卽是
師云葫蘆牽蔓上長空進云只如龍吟霧起虎嘯風
生又作麼生師云姑蘇城外寒山寺黃鶴樓前鸚鵡

洲僧舉坐具云有意氣時添意氣不風流處也風流
師云如何是風流底句進云口吞佛祖眼蓋乾坤師
云好與三十棒問如何是諸佛出身處師云馬腹驢
胎進云薰風自南來殿角生微涼意旨如何師云前
三三後三三乃云山僧昨晚與堂主商量道天氣炎
蒸說得幾句淡話也不濟事明早不陞座也罷堂主
云旦望五參諸方常套旣爲求法豈懼炎蒸猶冀慈
悲以法布施山僧云諾歸到室中不覺酣睡忽作一
夢夢見瞌睡魔王與尖嘴蟠子在僧堂中廝鬧甚喧
瞌睡魔王道你者畜生太煞無狀我此堂中兄弟箇

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

箇是尅苦真參底三更五更不眠不坐你何得貪亡
口腹啾啾亂鳴師彼肌膚蝨子道你者魔王且莫憎
懂古往今來被你魔過多少禪和子如螺螄蚌蛤昏
昏昧昧空空天日喫盡無限生受盛盡無限香板若
不是我深錐痛劄爭得睡眼豁開兩箇喧競不已雲
門扇子忍俊不禁從旁跳出撲地與伊一擊兩箇直
得疾走無邊忽報鐘鳴山僧醒來始知是夢大眾昨
夜牀上作夢今朝座上說夢且道夢話還當得上堂
法語也無若道當得盡大地人無有一箇不作夢者
又用祖師西來作麼既當不得今日上堂當說何法

還聞麼其或未然待你睡醒來再與你道

上堂僧問大顛擯首座翠巖擯堂主是同是別師云
天地懸隔進云大顛擯首座請謔在甚處師云指東
瓜罵葫蘆進云依稀似曲才堪聽又被風吹別調中
師云果然問傀儡線斷事如何師云六月賣松風人
間恐無價乃五六月賣松風人間恐無價若到翠巖
門一文也不值何謂如此山深無六月大眾諸人箇
箇在深山中經冬過夏還識山中景況麼脫或未知
山僧爲汝指出卓拄杖云桃花流水杳然去別有天
地非人間

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

慧習耆舊六旬請上堂僧問金風飄則梧葉落玉露降則桂子生如何是未生前事師云珠峯頭倒卓進云已生後又如何師云溪水向東流進云此猶是衲僧現成途轍撥轉上頭關又作麼生師云腳跟下痛與三十棒進云常將日月爲天眼指出須彌作壽山師云須彌未爲峻日月未爲明且道如何是高明底句僧便喝師云喝卽不無須是有句始得進云如何是句師云禮拜著進云將謂胡鬚赤更有赤鬚胡師云今日且放過問祖禪邊事卽不問祝延一句是如何師云海棠花發正新秋進云祝延一句蒙師指水

牯牛有多少甲子師云背陰山子向陽多進云恁麼則春秋不相涉乾坤弗能收師云你道潘閻倒騎驢因甚跌殺王番綽進云謝師答話師云有甚麼交涉乃云六十歲處胎出胎卽紹伏陀密多之衣鉢六年學道得道可繼順瑛二老之芳塵然此亦是曲徇時宜大權方便故示有佛有祖有出有入有得有失有促有延聊將蜜果子換汝苦葫蘆若約衲僧分上本無許多事所以道我智力如是慧光照無量壽命無數劫久修業乃得豎拂云大眾者箇豈不是慧光且道修習何業得如是長壽擊拂云合掌栢凝千古

翠青蓮石噴萬秋香

研柴回晚參若論此事便如研柴一般山愈深柴愈厚柴愈厚故刺愈多刺棘既多則下手最難須是有權巧方便始得你若眼目不清氣力綿眇刀子又鈍手下又不子細非但不能取柴連手腳亦刺得稀爛了又有一等刀子也快氣力亦充眼目亦精明祇是不肯著力雖到山中東覲西覲不覺夕陽斜照一日過了收拾歸來非但無可蓄積卽炊茶飯亦不足及至風雨霜雪依前不免凍餒之患若是箇臭眼老樵預先看定某山柴深某山柴淺某處路直捷某處路繁迂回後緊峭芒鞶磨快刀子一到山中便將荆棘一刀斫盡然後取柴縱有通紅山查絕好毛栗也不暇顧一氣研完收拾挑歸歸到家中放下擔子颺下柴刀不知何者爲柴何者爲刺但遇烹茶炊飯時信手拈來用之不竭一任寒風蕭蕭凍雪飄飄香積廚中燄倍高叢中有等影響禪和畢竟道翠巖譬喻得不親切何故此事原不假功勲得豈向外邊求才出門時已蹉過了也大眾蹉過且置祇如不蹉過一句作麼生道寂默然師云既道不得今晚直捷爲你們道破遂拈拄杖一齊打散歸方丈

১৭০
১৮০
১৯০

解夏上堂社燕巢空秋林木落消息分明時人不覺
意下丹青紛紛圖度休圖度楊岐驢子三隻腳喝一
喝下座

王行達行立居士薦親請上堂僧問超凡入聖卽不
問了生脫死一句作麼生道師云當陽無向背進云
未審王氏所薦二親歸何國土師云竝帶芙蓉火裏
栽乃云樹欲靜而風不息子欲養而親不存廢詩停
社遙相慰何似譚宗共報恩大眾罔極恩深殞形莫
報縱使生事以禮死葬以禮祭之以禮亦不過世間
之孝惟有佛力法力賢聖僧力是破闇之明炬出苦

之梯航使其永斷苦輪高陞樂土豈不是人子之大
孝然尤有一等信根微劣底便道人生在世親逢知
識耳提面命尙不能領畧何況歿後神識杳冥焉能
聞法超昇殊不知世人之情逢樂境則耽戀不捨遇
苦境則厭離心生因其厭離之際便有可化之機譬
如渡章江相似中流忽遇怒浪驚濤卽平日極不信
心者亦同聲疾呼觀音名號是故三世諸佛視此苦
海眾生如一子想所以乘機化導不遺餘力我等纔
起一念厭離心便與諸佛感應道交截流到岸更復
何疑雖然有苦有樂有昇有沉有欣有厭有佛有眾

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述

三言句讀

生蓋是常情且道宗乘中事如何理論豎拂云會麼
香飄丹桂知無隱月墮金莖在處明
黃山恒證禪師請上堂僧問太白令行天下滹沱燈
耀十方分燈列燄卽不問千里同風事若何師云天
涯海角同肝膽楚水吳山不隔塵進云若非親得天
童盲焉能普應大千機師云秋風吹入極木落露千
山進云恁麼則均沾法乳去也師云壁上画碁盤乃
云天都峭拔別是人間洪井幽深信非凡境古佛光
搖四面面輝煌白雲淡鎖千峯峯挺秀若作境
致會去蹉過黃山法兄若作玄妙商量辜負翠巖長

老直饒總不恁麼未免墮阤落塹正恁麼時同參一
句作麼生道慈光直射西峰上翠靄高凝紫石間復
舉馬祖遣僧馳書訊徑山欽禪師欽開緘見書中祇
画一○相乃拈筆於○相中著一點依舊封回後來
忠國師云欽師猶被馬師惑師云馬祖搖頭徑山擺
尾大小國師韁裏動指下座

閑爐聖修禪人請上堂師陞座維那白槌云諦觀法
王法法王法如是師云文殊來也諸人還見麼那出
眾作禮師云將謂是文殊那云適來也不差師云猶
隔天涯在那云小陽時至爐鞠宏開鍛鍊聖凡憑何

旨的師云眉間迸出吹毛効進云恁麼則談裏明珠
光燦爛去也師云莫將黃葉作金錢乃云聖人修證
路子差眼裏金塵耳裏沙爐面撥開山寺火眉鬚墮
盡見丹霞大眾彌天烈燄已撥開了也木佛舍利燄
燭光明已當陽呈露了也諸人還見麼若也見得便
可大開爐鞴鍛聖鍛凡脫或未然豎拂云火星迸也
急須照顧眉鬚始得

中書一語未嘗付外
印信
圖書
印信
中書

9 170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

セ
キ
テ